

經義叢鈔

錢唐嚴本

補編

編圖

讀書叢錄 臨海洪州倅頤煊注



禮記

漢書河間獻王傳所得周官尚書禮禮記其稱禮即禮經今之儀禮是也禮記即大小戴記梅福傳禮記孔子曰丘殷人也小戴記之文後漢書桓郁傳禮記曰天下之命懸於天子天子之善成乎所習云云大戴記之文

負劔辟咻

曲禮上負劔辟咻詔之鄭注負謂置之於背劔謂挾之於旁辟咻詔之謂傾頭與語頤煊案傾頭與語劔礙於旁故必負劔然皇清經解卷三百九十二

經義叢鈔

一

後與語史記刺客列傳王負劔負劔遂拔明無事不負劔也正義負謂致兒背上劔謂挾於脇下如帶劔也非是

母踏席

母踏席正義踏猶躐也席既地鋪當有上下將就坐當從下而升當已位上不發初從上從上為躐席也玉藻云升席升席不由前為躐席也頤煊案今玉藻作登席不由前為躐席古躐葛同聲故從躐之字多從葛躐或作躐亦古今字說文踏一曰躐踏非躐義踏疑即躐字之譌

授坐不立

授立不跪授坐不立釋文授坐本又作俛仰頤煊案鄭注為煩尊者俯仰受之正義俯俛若尊者形短雖卑者得跪以授之故少儀云受立授立不坐性之直者則有之也注云尊者短則跪

不敢以長臨之是也注疏並不釋授坐二字之義當從釋文本
作授立不跪俯仰不立爲是少儀性之直者當作生之直者古
字性生通用

汗手

共飯不澤手鄭注爲汗手不絜也釋文汗下半反本或作汗頤
煊案正義絜淨也若澤手手必汗生則不絜淨一本汗生不主
主絜也言手澤汗飯也正義所見兩本與釋文同鄭注澤謂挾
莎也詩葛覃薄汗我私毛傳汗煩也鄭箋煊煩擗之釋文阮孝
緒字畧云煩擗猶挾莎也鄭注當作汗字

玄武四象

行前朱鳥而後玄武左青龍而右白虎頤煊案考工記駟人龍
皇清經解 卷三十三

經義叢鈔

二

旗九旂以象大火鳥旗七旂以象鶡火熊旗六旂以象伐龜蛇
四旂以象營室龍卽青龍鳥卽青鳥熊虎爲旗故西方亦作白
虎漢碑畫玄武皆作龜蛇象其命名之義不可曉正義玄武龜
也龜有甲能禦侮用也而不及蛇後漢書馮衍傳李賢注位在
北方故曰玄身有鱗甲故曰武皆臆說

卹勿

國中以策孳卹勿鄭注卹勿搔摩也頤煊案卹勿卽密勿漢書
劉向傳密勿從事詩十月之交作黽勉從事爾雅釋詁黽沒勉
也皆同聲通用字此與下驅塵不出軌對言之言國中但以策
孳微勉不令塵揚正義卹勿者以策孳近馬體不令欲疾也得
其義矣

男女相荅拜也

曲禮下男女相荅拜也釋文相荅拜一本作不相荅拜皇云後人加不字耳正義俗本云男女不相荅拜禮男女拜悉相荅拜則有不字為非頤煊案禮男女拜悉相荅拜者是言其親此汎言男女當是其疏遠者故鄭注嫌遠別不相荅拜以明之據鄭注當有不字

食力

問大夫之富曰有宰食力鄭注食力謂民之賦稅頤煊案力當作仿王制祭用數之仿喪用三年之仿皆謂有餘

華而晬

檀弓上華而晬大夫之簣與鄭注說者以晬為刮節目字或為

皇清經解 卷三百五十一

經義叢鈔

三

刮釋文孫炎云晬漆也頤煊案考工記刮摩之工鄭注故書刮作挽鄭司農云挽讀為刮故鄭注以晬為括節目說文晬以漆和灰而髹也此即孫炎所本

畏

死而不弔者三畏鄭注人或時以非罪攻己不能有以說之死之者孔子畏於匡頤煊案白虎通喪服篇畏者兵死也通典引盧植注畏兵刃所傷周禮冢人凡死於兵者不入兆域鄭注戰敗無勇投諸堊外以罰之畏謂畏怯戰敗而死故不弔

正首首

狐死正首鄭注正首正首上也正義所以正首而嚮上也者是狐窟根本之處雖狼狽而死意猶嚮此正首頤煊案正首當

作北首下文葬於北方北首三代之達禮也之幽之故也禮運
故死者北首生者南鄉皆從其初狐死亦北首記引之以證不
忘其本丘古文北與北字形相近因譌作丘首

爵弁紵衣

天子之哭諸侯也爵弁經紵衣鄭注天子至尊不見尸柩不弔
服麻不加於采此言經衍字也頤煊案白虎通崩薨篇禮檀弓
曰天子哭諸侯爵弁純衣無經字

儼然

檀弓下雖吾子儼然在憂服之中頤煊案詩澤陂碩大且儼說
文引作碩大且媡儼卽讀如諒闇之闇儼然謂在諒闇中也雜
記疏哀皆居堊室不廬廬嚴者也嚴儼古字通用

皇清經解

卷三十三

經義叢鈔

四

裘氏

與之邑裘氏頤煊案莊子列御寇篇鄭人緩也呻吟裘氏之地
水經渠水注沙水又東逕陳留縣裘氏鄉裘氏亭西陳留風俗
傳曰陳留縣裘氏鄉有澹臺子羽冢

鹹或爲國

王制以訊鹹告鄭注鹹或爲國頤煊案周禮蝸氏鄭注鄭司農
云蝸讀爲蜮說文蜮重文作蝸隸釋斥彭長田君碑討鹹畔夷
國卽鹹字之省

昆蟲

昆蟲未螫鄭注昆明也明蟲者得陽而生得陰而藏頤煊案大
戴禮夏小正昆小蟲昆者眾也眾蟲何以謂之昆蟲說文周人

謂凡日彙从弟从衆與衆字形相近因譌作昆

今月令

月令鴻鴈來鄭注今月令鴻皆爲候正義今月令者月令出有先後八禮記者爲古不入禮記者爲今則呂氏春秋是也頤煊案說文引明堂月令蔡邕月令章句與此注今月令皆後漢單行本非呂氏春秋

九門

毋出九門鄭注天子九門者路門也應門也雉門也庫門也臯門也城門也近郊門也關門也頤煊案下文九門磔攘注不言者明與此同也風俗通祀典篇月令九門磔攘以畢春氣蓋天子之城十有二門東方三門生氣之門也不欲使死物見於生

皇清經解

卷五

經義叢鈔

五

門呂氏春秋季春紀高誘注九門三方九門也卽本風俗通皆

與鄭異義

累牛騰馬

乃合累牛騰馬遊牝于牧鄭注累騰皆乘匹之名是月所合牛馬謂繫在廐者其牝欲遊則就牧之牡而合之頤煊案易大壯羸其角釋文蜀才作累姤羸豕孚躡躅釋文陸云羸讀爲累廣雅釋言羸瘠也累牛謂病牛說文一曰騰犗馬也乃合累牛騰馬謂繫其病者犗者於廐餘則皆遊牝於牧卽周禮牧師所謂中春通淫也鄭注以累騰皆乘匹之名失之

遠之於成均

文王世子謂之郊人遠之鄭注遠之者不曰俊選曰郊人賤技

藝頤煊案遠之當作達之屬下於成均爲句言達之於成均以
及取爵於上尊也義亦得

櫓巢

禮運夏則居檜巢山井鼎考文古文檜作檜頤煊案太平御覽
卷五十五引禮記作檜家語問禮篇亦作檜釋名釋兵檜露也
露上無屋覆也左氏成十六年傳楚子登巢車以望晉軍杜注
巢車車上加檜正義引說文云輶兵高車加巢以望敵也檜澤
中守草樓也巢與檜皆樓之別名今本作檜傳寫之譌

不猶

鳳以爲畜故鳥不猶鄭注猶狨飛走之貌也錢氏大昕荅問猶
爲鳥飛不應從犬旁釋文猶本作喬周禮大司樂注引此文亦

皇清經解

卷三三

經義叢鈔

六

作喬俗本從犬者誤也說文走部有趨字訓狂走卽鳥不喬之
喬張衡東京賦稍魑魅斯猶狂薛綜注猶狂惡厲之鬼名埤蒼
云猶無頭鬼也喬本有狂義因喬狂連文并喬字亦加犬旁猶
展轉之展作輾鉄質之質作鑽也頤煊案猶本作鵠詩晨風鴝
彼晨風毛傳鴝疾飛也韓詩作鵠彼晨風喬卽鵠字之省後人
誤加犬旁作猶字

筠

禮器如竹箭之有筠也正義筠是竹外青皮顧命云敷重筍席
鄭云筍析竹青皮也禮記日如竹箭之有筠鄭引禮記之筠以
爲青皮是知呼竹爲筠頤煊案聘義孚尹旁達鄭注尹讀如竹
箭之筠是鄭以筠爲竹外青皮筍尹皆筠之借字漢書高帝紀

以竹皮爲冠韋昭曰竹皮竹筠也說文無筠字說文篋竹膚也
从竹民聲祭析竹篋也是析竹皮黃者爲祭皮青者爲篋民卽
筠字

燔柴於與

燔柴於與夫與者老婦之祭也鄭注與當爲爨字之誤也或作
竈頤焢案儀禮特牲饋食禮鄭注禮器曰燔燎於爨夫爨者老
婦之祭風俗通祀典篇禮器記曰燔柴於竈竈者老婦之祭是
鄭注所本

往德也

郊特牲束帛加璧往德也正義南本及定本皆作往德北本爲
任德頤焢案當作任德禮器束帛加璧尊德也任德與尊德義
皇清經解 卷五 夏五
經義叢鈔 七

婦盥饋

厥明婦盥饋舅姑卒食婦餽餘私之也釋文一本無婦盥饋三
字頤焢案正義厥其也其明謂共牢之明日也舅姑卒食謂明
日婦見舅姑訖婦乃盥饋特豚舅姑食特豚之禮竟也正義本
無婦盥饋三字

右佩韞

內則右佩玦捍管韞鄭注韞刀鞞也頤焢案韞無刀鞞之名韞
當作搯通作搯字詩葛屨佩其象搯毛傳象搯所以爲飾君子
偕老象之搯也毛傳搯所以摘髮也

兔菟

葦苴粉榆兔薨滄澹以滑之鄭注兔新生者薨乾也正義按庖人云共龜薨之物龜薨相對此經以兔對薨薨卽是乾故知兔爲新生此兔薨於周禮據肉爲言熊氏皇氏皆云文承葦苴粉榆之下據葦苴等爲兔薨義或爲然頤焯案儀禮士虞禮記夏用葵冬用苴鄭注夏用生葵冬春用乾苴爾雅釋草苳兔葵郭璞注頗似葵而小葉狀如葵有毛洵啖之滑兔卽葵也鄭注以兔爲葵之新生者薨卽乾葵也

不涉不撤

不涉不撤鄭注撤揭衣也正義言於尊所不因涉水不敢揭衣頤焯案曲禮拾級聚足鄭注拾當爲涉聲之誤也周書嘗麥解王涉階不涉不撤謂不涉階則不揭衣正義失之

皇清經解

卷三十三

經義叢鈔

八

連用湯

王藻連用湯鄭注連猶釋也頤焯案連讀如爛淮南天文訓至於連石高誘注連讀腐爛之爛故正義云言釋去足垢而用湯爛也

手足毋移

疾趨則欲發而手足毋移鄭注移之言靡匝也毋移欲其直且正正義移謂靡匝搖動也頤焯案移古通作侈字侈張也

綴兆

樂記綴兆舒疾鄭注綴謂鄼舞者之位也兆其外營域也正義鄼謂鄼聚頤焯案說文鄼聚也又儻最也最古通作聚字漢書叔孫通傳爲綿蕞野外應劭曰立竹及茅索營之習禮儀其中

也叢卽最字

肉好

寬裕肉好順成和動之音作而民慈愛鄭注肉肥也正義肉謂厚重者也頤煊案爾雅釋器肉倍好謂之璧好倍肉謂之琬肉好若一謂之環肉好謂音之大小得其中

石聲磬

石聲磬鄭注磬當爲磬字之誤也正義其字下著石樂器之磬其下著佳是磬然之磬今經云石聲磬恐是樂器故讀爲磬取聲音磬磬然頤煊案史記樂書作石聲磬說文磬籀文作磬論語磬磬然小人哉亦謂磬聲磬卽磬字

公羊賈

皇清經解

卷五百三

經義叢鈔

九

雜記下鑿巾以飯公羊賈爲之也頤煊案公羊賈疑卽論語公明賈明古讀如芒與羊聲相近春秋家公羊高亦卽孟子所謂公明高也

鷺彌

中路嬰兒失其母焉何常聲之有鄭注嬰猶鷺彌也言其若小兒亡母啼號安得常聲乎所謂哭不偯頤煊案釋名釋長幼人始生日嬰兒或曰嬰媿嬰是人也媿其啼聲也鷺彌嬰媿皆卽偯字雙聲

其名者成

凡宗廟之器其名者成則釁之以緘豚鄭注宗廟名器謂尊彝之屬頤煊案名卽銘字周禮小祝置銘鄭注銘今書或作名儀

禮既夕取銘置於重鄭注今文銘皆作名祭統銘者自名也自名以稱揚其先祖之美而明著之後世者也故尊彜之屬有銘者成則皆鬯之

一溢米

喪大記朝一溢米莫一溢米鄭注二十兩曰溢於粟米之法一溢爲米一升二十四分升之一甌煴案後漢書南蠻傳計人稟五升李賢注古升小故云五升三國志裴松之注引魏氏春秋諸葛公所噉食不過數升司馬宣王曰亮將死矣故朝升米暮升米爲最少之數

輝

祭統夫祭有昇輝胞翟闞者惠下之道也鄭注輝周禮作輝謂皇清經解

卷二十三頁三

經義叢鈔

十

韞磔皮革之官頤煴案考工記韞人爲阜陶祭時不聞有此官下文輝者甲吏之賤者也疑執燭兵士之屬

興舊

興舊者欲作率慶士鄭注言文叔能興行先祖之舊德起而循其善事頤煴案舊當爲觀字之譌說文觀古本作舊與舊字形相近興觀者欲謂能省視其嗜欲以作率其卿士慶古卿字

夫婦之道苦

經解故昏姻之禮廢則夫婦之道苦而淫辟之罪多矣鄭注苦謂不至不荅之屬頤煴案爾雅釋詁苦息也夫婦之道止息謂無以別嫌明微故淫辟之罪多

儼平

哀公問君行此三者則愾乎天下矣鄭注愾猶至也頤煊案愾當作忤與迄字通用爾雅釋詁迄至也詩生民以迄於今毛傳迄至也鄭本作則忤乎天下矣故注忤猶至也家語大婚篇作愾王肅注愾滿也說文愾太息也滿當卽滿字之省

下天上施

坊記上酌民言則下天上施鄭注酌猶取也取眾民之言以爲政教則得民心得民心則恩澤所加民受之知天矣言其尊頤煊案天當爲先繡衣惟尹躬天見於西邑夏鄭注天當爲先玉篇无古文天字與先形相近謂上取民言則下先施於上故下文云故君子信讓以泄百姓則民之報禮重卽所謂下先上施也

皇清經解 卷三十三

經義叢鈔

十一

卷石

中庸一卷石之多鄭注卷猶區也頤煊案卷讀如圈聚之圈省作卷故鄭注猶區也詩有卷者阿毛傳卷曲也亦是此義或讀作拳者失之

歸乎

表記子言之歸乎君子隱而顯正義於時孔子身在他國不被任用故稱歸乎頤煊案歸當通作歸字歸乎屬君子句讀莊子天下篇歸然而有餘郭象注歸然獨立自足之貌歸乎君子猶言巍乎君子是美其德獨立之辭

必見其做

繡衣若有車必見其軾若有衣必見其做鄭注做敗衣也衣或

在內新時不見王氏引之經義述聞此言行之必成而以衣之必敗爲喻則爲不倫且與引詩之意不合頤煊案做古通作蔽字謂蔽膝也蔽膝謂之鞞亦作紼玉藻一命緼鞞黝衡鄭注鞞之言亦蔽也白虎通紼冕篇紼者蔽也軾車前橫木蔽膝亦在衣前其義一也

芣莪不納

周傳芣莪不納鄭注芣今之蒲葦也頤煊案說文芣地黃也禮曰鈺毛牛羴羊芣豕薇今公食大夫禮作羊苦鄭注苦苦菜也並不爲蒲葦芣當是萃字之譌萃葦古字通用故鄭注萃今之蒲葦也說文蕩蒲子可以爲平席釋名釋牀帳蒲平以蒲作之其體平也故正義云蒲平爲席也

皇清經解

卷三十三

經義叢鈔

三

楛適

儒行適弗逢世正義適之也謂已之生於澆薄之時不逢明世也頤煊案適當屬上句讀後世以爲楛適呂氏春秋下賢篇帝也者天下之適也高誘注適主也

厭然

大學見君子而后厭然鄭注厭讀爲厭閉藏貌也正義見君子而後乃厭然閉藏其不善之事宣著所行善事也頤煊案如正義閉藏是釋下文揜字非釋厭然周禮天官序官鄭注奄精氣閉藏者厭與奄同故其貌如之

僎

鄉飲酒義介僎象陰陽也鄭注古文禮僎皆作遵頤煊案僎遵

字形相近僎當作俊古從尊從夊字多通用字林跋古蹲字
方言遵俊也疑卽本於禮經少儀僎爵鄭注僎或爲駟駟亦與
俊字通用因俊後轉作僎

纁密以栗

聘義纁密以栗鄭注栗堅貌頤煊案山海經西山經瑾瑜之玉
爲良堅栗精密郭璞注說玉理也禮記曰瑱密似栗玉有栗文
所謂穀璧也義亦得通

大戴稱逸禮

後漢書輿服志補注引逸禮王度記曰天子駕六馬諸侯駕四
大夫三士二庶人一通典卷五十九太古男子五十而娶女二
十五而嫁中古男子三十而娶女二十而嫁逸禮本命篇云此
皇清經解

卷三十三

經義叢鈔

三

皆大戴禮文大戴不立學官故稱逸禮太平御覽卷五百三十
七引禮記逸禮卷五百四十引大戴禮逸禮逸禮卽大戴禮非
篇名

諡法篇

隋書經籍志大戴禮記十三篇注云梁有諡法三卷後漢安南
太守劉熙注亡頤煊案大戴禮本有諡法篇見白虎通北堂書
鈔卷九十三引大戴禮諡法其時尚未亡太平御覽卷五百六
十二引大戴禮曰周公且太師望相嗣王作諡法一段與周書

諡法篇同

劉熙諡法注

王海引沈約諡法序云劉熙注諡法唯有七十六名又云劉熙

注解時或有所發明頤焯案宋蘇洵諡法解多引劉熙注一切經音義卷二十引諡法曰賤而得幸曰嬖釋名云嬖卑賤婢妾媚以色事人得幸者也今釋名無此文是劉熙諡法注文選景福殿賦李善注引劉熙孟子注獻猶軒軒在物上之稱也亦是諡法注皆後人誤改

發齊

禮三本大昏之未發齊也孔氏廣森補注發始也昏禮將親迎必先齊音齋頤焯案史記禮書發作廢廢發古字通用齊當作齊儀禮士昏禮皆振祭齊肝宋張淳儀禮識誤引釋文齊作齊云從口者後人加之未廢齊合昏卒食以前

哭不文

皇清經解卷三夏生
三年之哭不文也頤焯案史記禮書作不反文反皆當爲偯字之譌孝經喪親章孝子之喪親也哭不偯唐明皇注氣竭而息聲不委曲禮記間傳大功之喪三哭而偯鄭注三曲一舉聲而三折也楊倞荀子注不文謂無曲折也亦當作偯字

有司參夙興

保傳有司參夙興端冕見之南郊盧辨注參職謂三月朝也孔氏廣森音義參夙興漢書新書並作齊肅通解云參乃齊字之誤而注文職字亦誤頤焯案禮記內則國君世子生三月之末擇日妻以子見於父男女夙興沐浴古三字作參盧本當作參字據注參下當有脫字

達其不及

太傅罰其不則而達其不及頤焯案達當讀作撻禮記文王世子成王有過則撻伯禽所以示成王世子之道也下文則有司過之史盧注太子齒於學有榎楚之威亦謂撻也

冥瞻其學

天子冥瞻其學賈誼新書作天子燕辟廢其學頤焯案瞻當從耳作瞻冥瞻卽燕耽與燕辟義近下脫廢字後漢書百官志補注引賈生作燕業反其學業辟字形相近反卽廢字之譌

已諾

應羣臣左右不知已諾之正孔氏補注已諾猶然諾也頤焯案文王官人篇已諾無斷已止也諾許也謂止其所當止許其所當許斯爲正也淮南說林訓諾之與已相去千里

皇清經解

卷五夏三

經義叢鈔

五

往者不慎

曾子立事來者不豫往者不慎也盧注慎故於物來者不猶豫往者無所慎頤焯案慎當作悔禮記儒行往者不悔來者不豫盧注本云慎故於物來者不猶豫往者無所悔若作慎字注中下慎字義不可通經注兩慎字皆涉注中上慎字而譌

及親

曾子制言上殺六畜不當及親吾信之矣使民不時失國吾信之矣頤焯案及親當作失親禮記玉藻君無故不殺牛大夫無故不殺羊士無故不殺犬豕殺六畜不當其禮則失親愛之心失親失國對言之

机銘

武王踐阼於机爲銘焉机之銘曰皇皇惟敬口生听口戕口頤
焯案机當爲机字之譌說文机亦古文籒盛黍稷器故銘辭從
口取義

擾阻

戶之銘曰擾阻以泥之若風將至必先搖搖孔氏補注泥之似
謂墜戶也擾阻未詳頤焯案擾當爲擾字之譌服虔漢書音義
擾古之善塗堅者也爾雅釋詁阻難也謂泥塗不善風至必敗
也

明不可弊

子張問入官所見邇故明不可弊也孔氏補注所不見者無強
爲明則明之用不窮也頤焯案弊卽蔽字左氏襄二十七年以

皇清經解

卷五 頁五

經義叢鈔

六

誣道蔽諸侯釋文蔽本作弊莊子逍遙游篇孰弊弊焉釋文弊
司馬本作蔽古字通用

陽當作傷

文王官人喜氣內畜雖欲隱之陽喜必見怒氣內畜雖欲隱之
陽怒必見欲氣內畜雖欲隱之陽欲必見懼氣內畜雖欲隱之
陽懼必見憂悲之氣內畜雖欲隱之陽憂必見頤焯案五陽字
皆當作傷詩澤陂傷如之何爾雅釋詁郭璞注引作陽如之何
陽傷古字通用謂氣雖內畜若有所傷感則必見於外也

推前惡忠

推前惡忠府知物焉盧注謂有詢義之攻其所不知者則推接
於人而待以爲忠府而形貌又如曉然也頤焯案府聚也物是

愬字之譌古總字謂推前惡於人則自以爲忠聚智總與下句首成功少其所不足謂先人成功又鄙薄其所不足文義相對周書官人篇訓總唱功卽隱括此二句之義

遠於年

公冠祝雍曰使王近於民遠於年孔氏音義年說苑作佞後漢志注引此文云近於民遠於年遠於佞頤煊案佞讀如年左氏襄三十年經天王殺其佞夫公羊作年天遠於年卽遠於佞同聲假借字劉昭補注所引遠於年下重出遠於佞三字是後人妄加

徹昫

易本命三月而徹昫然後能有見盧注昫精轉視貌徹或爲微皇清經解

卷三三

經義叢鈔

七

也頤煊案昫卽昫字說文作曠云見初生瞥者从目曠聲瞥一曰財見也纔見與微字義近昫曠同聲字

春秋經傳別行

漢書藝文志春秋古經十二篇此左氏之經也經十一卷注云公羊穀梁此公羊二傳之經也春秋經傳別行賈逵解左氏經傳並釋服虔有傳無經南齊書陸澄傳時國學置杜服春秋澄謂尙書令王儉曰泰元取服虔而兼取賈逵經服傳無經雖在注中而傳又有無經者故也今留服而去賈則經有所闕此亦服傳無經之證

春秋鄒夾

漢書藝文志春秋家鄒氏傳十一卷夾氏傳十一卷鄒氏無師

夾氏有錄無師頤煊菜王吉傳初吉兼通五經能爲騶氏春秋後漢書范升傳春秋之家又有騶夾如令左氏得置博士騶夾五經奇異並復求立各有所執珣戾分爭從之則失道不從則失人騶夾之學其時尚有傳者

食舍肉

隱元年傳公賜之食食舍肉杜預注食而不啜羹正義禮公食大夫及曲禮所記大夫士與客燕食皆有牲體殺豕非徒設羹而已頤煊案爾雅釋器肉謂之羹儀禮鄉飲酒禮羹定鄭注肉謂之羹故下文云未嘗君之羹請以遺之羹卽肉也

憾而能眡

三年傳降而不憾憾而能眡者鮮矣杜注恨則思亂不能自安

皇清經解

卷三百五十一

經義叢鈔

六

自重正義釋言云眡重也頤煊案注據爾雅以釋眡字必增加自安二字方與自重相連其說甚迂說文眡目有所恨而止也義勝於杜

芟夷

六年傳芟夷蘊崇之杜注芟刈也夷殺也頤煊案夷通作薙字禮記月令燒薙行水鄭注薙謂薙地芟草也周禮薙氏鄭注薙讀如鬢小兒頭之鬢書或作夷此皆剪草也字從類耳

以字爲氏

八年傳諸侯以字爲諡固以爲族史記五帝本紀集解駁五經異義引作諸侯以字爲氏頤煊案正義服虔云公之母弟則以長幼爲氏貴適統伯仲叔季是也庶公子則以配字爲氏尊公

族展氏臧氏是也服虔本當作以字爲氏

大雨霖

九年傳春王正月癸酉大雨霖以震庚辰大雨雪亦如之凡雨自三日以往爲霖杜注此解經書霖也而經無霖字經誤正義經當如傳言大雨霖以震不當云大雨震電是經脫霖以二字而妄加電也頤煊案凡雨自三日以往爲霖是釋大雨非釋經書霖後人於傳大雨下妄加霖字漢書五行志隱公九年三月癸酉大雨電電庚辰大雨雪劉歆以爲三月癸酉於歷數春分後一日始震電之時也當雨而不當大雨大雨常雨之罰也於始震電八日之間而大雨雪常寒之罰也亦無霖字

衷戎師

皇清經解

卷三十三

經義叢鈔

九

祝聃逐之衷戎師杜注戎前後及中三處受敵故曰衷戎師正義衷戎師者謂戎師在三伏之中頤煊案昭十六年傳發命之不衷杜注衷當也桓七年傳不當王非敵也謂祝聃逐之以當戎師前後夾擊之故盡瘞杜注非是

不庭

十年傳以王命討不庭杜注下之事上皆成禮於庭中頤煊案爾雅釋詁庭直也國語周語以待不庭不虔之患韋昭注庭直也不庭謂不直之人成十二年傳謀其不協而討不庭杜注討背叛不來在王庭者非是

嘉粟

桓六年傳嘉粟旨酒杜注嘉善也粟謹敬也正義劉炫以粟爲

穗貌而規杜過頤煊案考工記蠶粟不逆鄭注粟讀爲裂縞之
裂裂與烈同嘉粟謂酒之芬芳楊烈卽下文所謂馨香無讒匿
也杜劉注皆失之

尸

十五年傳尸諸周氏之汪杜注殺而暴其尸以示戮也頤煊案
爾雅釋詁尸陳也淮南俶真訓高誘注汪讀傳矢諸周氏之汪
同矢亦陳也

始判

莊三年傳紀於是乎始判杜注判分也言分爲附庸始於此頤
煊案判古通作叛字桓六年冬紀侯來朝請王命以求成于齊
公告不能莊元年齊師遷紀邢鄆鄆魯又不能救此年秋紀季
皇清經解卷五見三
經義叢鈔
三

以鄆入于齊紀於是始叛魯也

人立而啼

八年傳豕人立而啼頤煊案管子大匡篇作豕人立而啼荀子
禮論篇哭泣諦號淮南精神訓病痲痲者蹠蹠而諦春秋繁露
執贄篇羊殺之不諦啼皆作諦

又何間焉

十年傳肉食者謀之又何間焉杜注間猶與也頤煊案爾雅釋
言間覘也說文覘一曰間見是覘與見同也禮記曲記待坐於
君子若有告者曰少間願有復也昭四年傳寡君願結驪於二
三君使舉請間間卽請見之辭

因重固

閔元年傳因重固杜注能重能固則當就成之正義服虔云重不可動因其不可動而堅固之頤煇案此與上親有禮句對言之謂因國之重臣不可動者而安固之襄十四年傳史佚有言曰因重而撫之此卽服注所本

偏衣

二年傳公衣之偏衣杜注偏衣左右異色其半似公服頤煇案禮記玉藻衣正色裳間色偏衣謂間色不正之衣故下文服其身則衣之純純謂正色衣之衰服龍雜卽間色也後漢書光武紀服婦人衣諸于繡鬢諸于漢書賈誼傳作偏諸或卽此制

南河

僖二十八年傳還自南河濟杜注從汲郡南渡出衛南而東頤
皇清經解 卷三百九

經義叢鈔

三

煇案史記衛康叔世家成公二年晉欲假道於衛救宋成公不許晉更南河渡集解服虔曰南河濟南之東南流河也水經河水注云河水於是有棘津之名亦謂之石濟津故南津也春秋僖公二十八年晉將伐曹曹在衛東假道衛衛衛人不許還自南河卽此濟也仿宋刊注疏本作還自河南濟非是

三百

距躍三百曲踊三百杜注距躍超越也曲踊跳踊也百猶勵也頤煇案距躍直越向前也曲踊回身聳跳也百與拊同說文拊也謂合手拍拊如鼓諫之狀距躍曲踊者其足勢三拊者其手勢也韓非子八說篇登降周旋不逮日中奏百其義正同

以覺報宴

文四年傳以覺報宴杜注覺明也謂諸侯有四夷之功王賜之弓矢又爲歌彤弓以明報功宴樂正義覺者悟知之意故爲明也使諸侯明已心也頤焮案覺者大也孝經有覺德行鄭注覺大也詩斯干有覺其楹毛傳有覺言高大也以覺報宴謂諸侯有四夷之功王大報宴以酬其功故下文云其敢干大禮以自取戾

難必扞矣

六年傳有此四德者難必扞矣杜注扞除也正義服虔作紆紆緩也頤焮案服虔本作紆是也成二年傳我亦得地而紆於難二年傳二國圖其社稷而求紆其民十六年傳我僞逃楚可以紆憂襄八年傳姑從楚以紆吾民字皆作紆

皇清經解

卷五百九十三

經義叢鈔

三

鹿死不擇音

十七年傳鹿死不擇音杜注音所蒞蔭之處古字聲同皆相假借正義服虔云鹿得美草呦呦相呼至於困迫將死不暇復擇善音急之至也頤焮案後漢書皇甫規傳稱鹿死不擇音謹冒昧略上莊子人間世獸死不擇音氣息沛然皆同服說

兩馬掉鞅

宣二年傳兩馬掉鞅而還杜注兩飾也掉正也正義兩飾掉正皆無明訓服虔亦云是相傳爲然也頤焮案周禮環人注引作兩馬兩通作柳三國志蜀先主傳縛督郵解綬繫其頸著馬柳說文柳馬柱掉搖也謂繫其馬於柱搖動其鞅而還

屈蕩尸之

屈蕩尸之惠氏棟云淳熙九經及長平游御史本巾箱本俱作戶字頤焯案漢書王嘉傳師古注文選宦者傳論李善注引左傳皆作屈蕩尸之小爾雅廣詁戶止也戶通作扈昭十七年傳九扈爲九農正扈民無淫者也杜注扈止也

樂京廬

十七年傳使樂京廬待命于齊杜注樂京廬郤克之介頤焯案國語齊語衛人出廬於曹韋昭注廬寄也釋名釋宮室寄止曰廬周禮野廬氏鄭注廬賓客行道所舍謂獻子先歸使樂京寄止容舍以待命于齊

築石

成二年傳齊高固入晉師築石以投人杜注築檐也頤焯案廣

皇清經解

卷三百九十二

經義叢鈔

五

雅釋詁檐舉也史記王翦列傳方投石超距漢書甘延壽傳投石拔距絕於等倫張晏曰范蠡兵法飛石重十二斤爲機發行二百步延壽有力能以手投之高固亦手舉石以投人故以爲勇築古通作揭字其音義並同

畏君之震

畏君之震師徒撓敗杜注震動頤焯案震威也國語晉語車有震武也韋昭注震威也十三年傳寡君不敢顧昏姻畏君之威而受命於吏卽其證

視流

六年傳視流而行速杜注視流不端諦頤焯案八年傳從善如流杜注如流喻速十五年傳視速而言疾襄三十年傳視躁而

足高視流與視速視躁同義

伏劍

襄三年傳魏絳至授僕人書將伏劍正義謂仰劍刃身伏其上而取死也頤煊案伏劍卽負劍右手拔劍有似於負故曰負劍聲轉曰伏劍史記刺客列傳王負劍負劍遂拔墨子節葬下篇譬猶負劍而求其壽也書傳中言伏劍而死者皆謂拔劍以自刎

畧

四年傳匠慶請木季孫曰畧杜注不以道取爲畧頤煊案畧謂簡畧其禮匠慶不聽而用其已樹蒲圃之六檟季孫不能止故君子曰多行無禮必自及也

皇清經解

卷三頁十一

經義叢鈔

十四

弃位而姣

九年傳弃位而姣不可謂貞杜注姣淫之別名正義服虔讀姣爲放效之效言效小人爲淫頤煊案說文姣好也方言媯媯好也或謂之姣言弃位而徒姣好其貌不可謂貞

門者

十年傳縣門發聊人紇挾之以出門者正義服虔云挾挾也謂以木挾挾縣門使舉令下容人出也門者下屬爲句頤煊案水經泮水注引傳云縣門發鄆人紇挾之以出與服讀同

傅食

十九年傳聞師將傅食杜注因其會食頤煊案墨子號令篇鋪食皆於畧不得外食傅食卽鋪食義與鋪同皆聲相近

瘠則甚矣

二十一年傳楚子使醫視之復曰瘠則甚矣而血氣未動杜注瘠瘦也頤煊案上文方暑闕地下冰而牀焉重華爾衣裘鮮食而寢並不言瘦公羊莊二十年傳大瘠者何痢也何休注瘠病也齊人語杜注失之

閔子騫

二十三年傳閔子馬見之曰子無然禍福無門唯人所召頤煊案後漢書楊秉傳引禍福二句李賢注左傳閔子騫之辭影宋本北堂書鈔卷三十六文選檄吳將校部曲李善注引亦作閔子騫褚淵碑文注引閔子騫曰敬恭朝夕恪居官次白帖卷八十七引閔子騫曰夫學殖也不學將落今本皆作閔子馬

皇清經解

卷三百九十一

經義叢鈔

二十五

踞轉

二十四年傳皆踞轉而鼓琴杜注轉衣裝頤煊案昭三十年傳趙簡子夢童子羸而轉以歌淮南脩務訓故秦楚燕魏之謠也異轉而皆樂汜淪訓管猶不知音者之歌也濁之則鬱而無轉踞轉而鼓琴謂箕倨自歌以鼓琴也

當御

二十六年傳朱也當御杜注御進也言次當行正義言當進侍君受君命也頤煊案御與迓同詩鵲巢百兩御之甫田以御田祖鄭箋皆云御迓也公羊成二年傳使跛者迓跛者使眇者迓眇者穀梁傳迓作御何休注迓迓也

如稅服終身

二十七年傳公喪之如稅服終身杜注稅卽總也喪服總絞裳縷細而希非五服之常本無月數痛愍子鮮故特爲此服無月終而獻公尋薨故言終身頤煇案喪讀去聲二十八年傳陳須無以公歸稅服而如內宮稅卽脫字獻公喪子鮮如脫服終身言其心戰慄常不忘也

祗見疏也

二十九年傳祗見疏也正義多見疏猶論語多見其不知量也服虔本作祗晉宋杜本皆作多頤煇案據此正義本作多今本作祗是後人從服本改昭十三年傳祗取辱焉二十六年傳祗取誣焉定四年傳祗取勤焉哀十四年傳祗取死焉字皆作祗與服本同

皇清經解

卷三十三

經義叢鈔

三

以羸諸侯

三十一年傳我實不德而以隸人之垣以羸諸侯杜注羸受也正義賈服王杜皆讀爲盈盈是滿也故皆訓爲受頤煇案羸露也謂以隸人之垣露處諸侯卽上文所謂暴露也昭元年傳勿使有所壅閉澌底以露其體杜注露羸也二訓本互通

蔡蔡叔

昭元年傳周公殺管叔而蔡蔡叔正義說文云釁散之也從米殺聲隸書改作己失本體釁字不復可識寫者全類蔡字至有重爲一蔡字重點以讀之者頤煇案正義所見有兩本一本重爲一蔡字重點以讀之者張參五經文字釁春秋多借蔡字爲之今本是也一本寫者全類蔡字其本無考史記司馬相如傳

傳喻呬萃蔡索隱郭璞注萃蔡猶璀璨也索隱單行本蔡作榮與榮相近唯後漢書樊儵傳李賢注引左傳曰周公殺管叔而榮蔡叔杜預注曰榮放也字尙不誤

其相胡公

三年傳其相胡公大姬已在齊矣正義服虔云相隨也今定本相作祖頤煊案杜注言陳氏雖爲人臣然將有國其先祖鬼神已與胡公共在齊杜注本當作祀

黃能

七年傳今夢黃熊入于寢門正義諸本皆作熊字梁王云魃之所化是能鼈也若是能獸何以能入羽淵頤煊案釋文唐石經皆作能字爾雅釋魚鼈三足能說文能屬足似鹿能是本字皇清經解卷三百九十三經義叢鈔毛

莫保其性

八年傳怨讒並作莫保其性杜注性命也民不敢自保其性命頤煊案孟子生之謂性白虎通情性篇性者生也周禮大司徒辨五土之物生鄭注杜子春讀生爲性莫保其性卽莫保其生十九年傳民樂其性而無寇讎亦謂民樂其生

斬焉

十年傳孤斬焉在衰經之中杜注旣葬未卒哭故猶服斬衰頤煊案禮記雜記縣子曰三年之喪如斬期之喪如刻鄭注言其痛之惻怛有淺深也斬焉謂其痛之深也

交鬪

十五年傳若屬有讒人交鬪其間頤煊案國語晉語逐之恐構諸侯章昭注構交構也後漢書何進傳交構已成交鬪猶交構也其聲相近

阿下執事

二十年傳寡君命下臣於朝曰阿下執事臣不敢貳杜注阿比也命已使比衛臣下頤煊案呂氏春秋高義篇阿有罪高誘注阿私也貴公篇不阿一人高誘注阿亦私也私下執事謂寡君命臣私布於下執事是以不敢貳

大者不櫛

三十一年傳小者不窳大者不櫛杜注櫛橫大頤煊案字書無櫛字漢書五行志引作櫛易繫辭剝木爲舟王弼注舟必用大皇清經解卷三覓三
經義叢鈔
天
木剝鑿其中釋文挾本又作剝挾卽櫛字之省

介雞

二十五年季氏介其雞釋文介又作芥頤煊案呂氏春秋察微篇季氏介其雞高誘注介甲也字當作介杜注擣芥子播其羽也字當作芥藝文類聚卷九十一太平御覽卷九百十八引左傳皆作芥是杜氏本

縛一如璊

二十六年傳以幣錦二兩縛一如璊杜注璊充耳縛卷也急卷使如充耳易懷藏頤煊案璊爲冕玉所以塞耳其小可知幣錦二匹急卷使如充耳此擬不相倫類聘禮賄用束紘鄭注紘紘絲爲之今之縛也周禮內司服鄭注六服皆袍制以白縛爲裏

釋文縛聲類以爲今作絹字如當爲加字之譌此言以幣錦二兩縛一兩加瑱以貨之縛一不言兩者省文也

愁

二十八年傳愁使吾君聞勝與臧之死也以爲快杜注愁發語之音頤焮案愁願也願使吾君聞之以爲快國語晉語敢歸諸下執政以愁御人韋昭注愁願也楚語吾愁冀之於耳韋注愁願也

蝥賊

三十二年傳蝥賊遠屏杜注蝥賊謂災害正義蝥賊食苗之蟲釋蟲云食根蝥食節賊故以蝥賊喻災害也頤焮案蝥賊喻人非喻災害詩瞻印蝥賊蝥疾靡有夷屆召旻天降罪罍蝥賊內
皇清經解 卷三頁九十一 經義叢鈔 五

路國

定五年傳子西爲王輿服以保路國于脾洩杜注立脾洩以保安道路人頤焮案路字當屬下句讀路國于脾洩猶言露處於脾洩也管子四時篇國家乃路尹知章注路謂失其常居也周書皇門解自露厥家露與路通

問高厚焉

子西問高厚焉弗知子西曰不能如辭正義本或有小大者涉下文而誤耳頤焮案下文正義引張奐古今人論云子西問城之高厚小大而弗知也子西怒曰不能則如辭能之而不知又何知乎高厚下有小大二字唐石經旁注有小大二字

不可食已

哀元年傳後雖悔之不可食已杜注食消也已止也正義言悔恨之深結於心腹不可如食之消止頤煊案爾雅釋詁食偽也偽古字作爲字言後雖悔恨不可爲已已是絕決之辭

彤鏤

器不彤鏤杜注彤丹也鏤刻也惠氏棟云彤古彫字頤煊案說文丹巴越之赤石也象采丹井、象丹彤彤亦古文丹丹彤彤形相近故經典彤譌作彤杜注彤丹也國語周語器無彤鏤章昭注彤丹也楚語不聞其以土木之崇高彤鏤爲美章注彤謂丹楹彤卽古文丹字

望視

皇清經解

卷三百五十一

經義叢鈔

三

十四年傳有陳豹者長而上僂望視杜注目望陽頤煊案史記孔子世家眼如望羊釋名釋姿容望羊羊陽也言陽氣在上舉頭高似若望之然也羊陽古字通用

旻天

十六年傳旻天不弔不憇遺一老頤煊案說文春秋傳曰昊天不憇爾雅釋文夏爲昊天孔子以哀十六年夏四月己丑卒義當作昊天後漢書東平憲王傳李賢注文選陳太丘碑文李善注引左傳皆作昊天范甯穀梁傳序昊天不弔疏哀十六年左

氏文

春秋外傳

國語稱春秋外傳宋庠謂始於韋昭行非也隋書經籍志春秋

外傳國語二十卷賈逵注漢書韋玄成傳引春秋外傳曰日祭月祀時享歲貢終王皆在韋昭前

稷爲天官

周語是故稷爲大官韋昭注民之大事在農故稷之職爲大官也爾雅案尙書舜典正義引國語曰稷爲天官賈公彥周禮疏序初堯時天官爲稷又云但堯初天官爲稷至堯試舜天官之任謂之百揆舜卽真之後命禹爲之卽天官也賈氏之說本於鄭康成所見國語當作稷爲天官今本作大官是淺人依韋注民之大事句改之

艾

樹於有禮艾人必豐韋注艾報也鄭注樹於有禮必有艾韋注皇清經解

卷三頁九

經義叢鈔

三

艾報也爾雅案艾無報訓艾與樹對言之艾當作刈離騷願跋時乎吾將刈王逸注刈獲也言樹於有禮其獲人必多也

腊毒

厚味實腊毒韋注厚味喻重祿也腊亟也讀若廟昔酒焉味厚者其毒亟也爾雅案鄭語毒之酋腊者其殺也滋速韋注精熟曰酋腊極也極亟古字通用文選七命李善引賈逵國語注腊久也久亦與極同義禮記郊特牲鄭注爲其味厚腊毒也釋文引隱義云腊久也久酒有毒義卽本於賈逵

越哉

魯語海鳥曰爰居止於魯東門之外三日臧文仲使國人祭之展禽曰越哉臧孫之爲政也韋注越迂也言其迂濶不知政要

也。頤煊案越過也。謂過於禮。故下文文仲間柳下季之言曰信吾過也。

無洵涕

無洵涕。韋注無聲涕出爲洵涕也。頤煊案洵。卽泣字。禮記檀弓孔子泣然流涕。一切經音義卷十一。眩古文洵。洵二形。文選劇奏美新。臣嘗有顛眴疾。李善注。眴與眩古字通。洵泣。偏旁本通用。

被羽

晉語被羽。先升遂克之。韋注羽鳥羽繫於背。若今軍將負旄矣。頤煊案羽旌旗之屬。周禮司常全羽爲旒。析羽爲旌。單言之亦可稱爲羽。孟子見羽旌之美。亦謂旌旗也。後漢書賈復傳。被羽先登。李賢注。被猶負也。析羽爲旌。旗將軍所執。被羽先升。謂負旗先登。如左氏隱十一年傳。穎考叔取鄭伯之旗。蝥弧以先登。是也。韋注謂以鳥羽繫於背。失之。

觀狀

文公誅觀狀。以伐鄭。韋注賈侍中云。鄭復劾曹觀公。餅晉之狀。故伐之。唐尙書云。誅曹觀狀之罪。還而伐鄭。昭省內外。傳鄭無觀狀之事。而叔詹云天禍鄭國。淫於觀狀。謂淫放於曹不禮。公子與觀狀之罪同耳。頤煊案文公返國伐曹。伐鄭皆名其師。曰觀狀。謂觀其前日所過之功狀。左氏僖二十八年傳。三年丙午。入曹。數之以其不用僖負羈而乘軒者三百人也。且曰獻狀。獻狀卽觀狀。觀獻聲相近。

公羊疏不著撰人名氏或云徐彥不知何時人宋董道謂當在貞元長慶之後顧焯案疏中引爾雅孫炎注郭璞音義書序長義孝經疏之類皆唐以前本疏司空椽云若今之三府椽三府椽亦六朝時有之至唐以後則無此稱矣此疏爲梁齊問舊帙無疑

何以名

隱元年傳何以名字也唐石經名上有不字顧焯案何休注椽齊侯以祿父爲名疏云是言齊侯以祿父爲名故疑郝婁君亦以儀父爲名注疏本皆無不字

如勿與

如勿與而已矣何注如卽不如齊人語也顧焯案桓十四年傳皇清經解卷三竟主經義叢鈔三雷不如今嘗而已矣文十六年傳不如勿居而已矣句法與此相同此如上當脫不字

分郊

五年傳自陝而東者周公主之自陝而西者召公主之何注陝者蓋今弘農陝縣是也釋文一云當作郝王城郝鄔顧焯案隸釋唐扶頌分郊之治郊卽陝字史記游俠列傳陝寒孺集解徐廣曰陝疑當作郝字南越傳曰郝壯士韓于秋陝郝古字通用

縣輿

桓五年何注禮七十縣車致仕疏淮南子曰至於悲泉爰止其女爰息其馬是謂縣輿舊說云日在縣輿一日之暮人年七十亦一世之暮而致其政事於君故曰縣輿亦有作車字者顧焯

案隸釋侯成碑縣與養神與疏本同

化我也

六年傳化我也何注行過無禮謂之化齊人語也頤煊案化我卽上文過我過化同聲因口授其字異耳哀六年傳陳乞日常之母有魚菽之祭願諸大夫之化我也不得謂無禮無禮二字是注者增成之穀梁傳作書我其音義並同

鄭國處於留

十一年傳古者鄭國處於留惠氏棟公羊古義云左傳侵宋呂留後漢彭城有留縣張良所封頤煊案漢書地理志陳留郡陳留孟康曰留鄭邑也後爲陳所并故曰陳留鄭康成發墨守留乃在陳宋之東非是

皇清經解

卷三十三

經義叢鈔

三

其餘從同同

莊四年傳其餘從同同何注凡二同故言同同疏考諸古本傳及此注同字之下皆無重語有者衍文且理亦宜然頤煊案注其餘輕者從義與重者同不復議都與無讎同文論之所以省文達其異義矣疏輕者不議見與重者同一同也都與無讎同文論之一同也故曰凡二同矣傳及此注皆當作同同古本非是

操之已蹙

三十年傳子司馬子曰蓋以操之爲已蹙矣何注操迫也頤煊案詩江漢正義引公羊作蓋以蹙之爲已蹙矣何休云蹙迫也蹙爰鄭注有所蹙蹙也義亦本於公羊正義蹙定本作操是後

人所改

諾已

僖元年傳慶父聞之曰嘻此奚斯之聲也諾已曰吾不得入矣何注諾已皆自畢語疏猶似今人云休一生罷去已自畢竟之辭頤焮案淮南說林訓諾之與已相去千里諾已謂奚斯所許已止不成故重言曰吾不得入矣

酌之

八年傳蓋酌之也何注酌挹也時鄭伯欲與楚不肯自來盟處其國遣使挹取其血而請與之約束無汲汲慕中國之心故柳之使若叩頭乞盟者也頤焮案周禮士師掌士之八成一曰邦酌鄭司農注酌讀如酌酒尊中之酌國酌者斟酌盜取國家宮室

皇清經解

卷三 覓主

經義叢鈔

三美

事若今刺探尙書事謂鄭探知之而請盟也酌酌古今字

踊

十年傳踊爲文公諱也何注踊豫也齊人語若關西言渾矣頤焮案踊當是通字之譌傳中通可以已也文凡三見昭三十一

碩然

十六年傳聞其碩然穀梁疏碩字說文玉篇字林等無其字學士多讀爲碎據公羊古本並爲碩字張揖讀爲碩是石聲之類不知出何書也頤焮案疏引張揖是廣雅之文廣雅釋詁碎聲也是亦讀爲碎也廣雅釋室碩碩也文選西都賦雕玉瑱以居

楹李善注瑱與礪通非此義

是月

是月者何僅遠是月也何注是月邊也魯人語也在正月之幾盡故曰劣及是月也頤煊案鵬冠子王鈇篇家里用提陸佃注云提零日也公羊傳曰提月者僅遠此月晦日也初學記卷四歲華紀麗注引公羊皆作提月提當通作抵字故傳以爲僅遠此月也

於此焉變

文二年傳以爲有人心焉者則宜於此焉變矣何注變者變慟哭泣也有人人心念親者聞有欲爲已圖婚則當變慟哭泣矣頤煊案變讀爲辨言聞有欲爲已圖婚則當辨其義之可否宜十五年傳上變古易常應是而有天災其諸則宜於此焉變矣亦謂當辨其災應之所由來辨變古字通用

以目通指曰眈

七年傳眈晉大夫使與公盟也何休注以目通指曰眈成二年傳卻克眈魯衛之使使以其辭而爲之請釋文眈音舜又作眈丑乙反又大結反頤煊案玉篇眈同瞬五經文字眈音舜見春秋傳說文無眈字眈目不從正也與經注義不合眈當是眊字之譌說文眊舉目使人也从支目火劣切眊作眈與眈字相近而譌

圖

十一年楚子伐圖釋文二傳作麋頤煊案說文麋从鹿囙省聲

籀文不省作麋傳寫者省鹿作困通作罔元年楚子卷卒釋文
文左氏作麋卷又罔字之省

淨言

十二年傳惟譏善淨言何注淨猶撰也頤焯案淨古通作靖
字爾雅釋詁靖治也治與撰義相近尙書秦誓惟截截善諷言
說文諷便巧言也从言扁聲周書曰截截善諷言又引周書
戔巧言皆非公羊義釋文淨撰也本或作諷是後人依尙書改
之

六指

十四年傳子以其指則接菑也四獲且也六孔氏廣森通義凡
以手計數者屈四指伸小指則爲四徧屈五指還伸小指則爲
皇清經解 卷五 三 經義叢鈔 三
六頤焯案疏以其手指相似則接菑猶人之四指獲且猶人之
六指右手將指連左手言之則爲第六指離左手言之則爲第
一指故下文云獲且也長

踏階

宣六年傳踏階而走何注踏猶超遽不暇以次釋文踏與躡同
一本作彘頤焯案依何注踏當作彘儀禮公食大夫禮鄭注不
拾級而下曰彘燕禮記疏越階謂左右足越三等若公羊傳云
趙盾避靈公踏階而走是也說文無踏字彘乍行乍止也讀若
春秋公羊傳曰彘階而走與踏字義同廣雅釋訓躡踏猶豫也
猶豫卽說文所謂乍行乍止釋文所謂躡也彘踏音同而義異

交易

十二年傳君之不令臣交易爲言何注交易猶往來也言君之不善臣數往來爲惡言頤煊案交通作狡狡猾也易輕也言不善臣數爲狡猾輕慢之言說文傷輕也一日交傷義卽本此

東西其畝

成二年傳使耕者東畝後漢書孔融傳李賢注引公羊傳此與下文皆作使耕者東西其畝頤煊案何注使耕者東西如晉地疏引舊云使齊東西其畝往來於晉地易注及舊本皆當作東西其畝疏云蓋晉地谷川宜東畝者多疏本已脫西其二字

用然後郊

十七年傳或曰用然後郊孔氏通義或意未明舊說以爲用事于類宮然後郊要本非傳所取闕疑殆焉頤煊案用當作卜說皇清經解卷五竟主經義叢鈔
文用從卜从中字形相近又涉上文而譌爲用字僖三十一年傳卜郊非禮也何注天子不卜郊疏欲道天子之郊以其常事故不須卜魯郊非禮是以卜之用郊者不卜郊也故傳以爲不宜用或曰卜然後郊是據魯禮以正之也

髡原

襄七年傳鄭伯髡原如會疏正本作頑字亦有一本作原字非也釋文髡原左氏作髡頑頤煊案史記鄭世家索隱引左傳作髡原是左氏作髡原此傳作髡頑故疏云一木作原字非也今本是後人據釋文本改之

公子喜

十九年鄭殺其大夫公子喜釋文喜二傳作嘉頤煊案禮記祭

義父母愛之喜而勿忘唐石經喜作嘉喜卽嘉字之省古人名字相配嘉字子孔宋有孔父嘉則作嘉字爲是

因諸

昭二十一年傳若曰因諸者然何注因諸者齊故刑人之地公羊子齊人故以齊喻也疏舊說云卽博物志云周曰囹圄齊曰因諸是也頤煊案因聲近囹諸聲近囹皆卽周禮圜士之轉聲

菑

二十五年傳以人爲菑何注菑周埒垣也所以分別內外衛威儀也今大學辟雍作側字頤煊案考工記輪人注鄭司農云菑讀如雜廁之廁漢書張耳傳貫高等迺壁人柏人要之置廁側

卽廁字

皇清經解

卷三言九上

經義叢鈔

四

蒲社

哀四年蒲社災釋文左氏作亳社頤煊案蒲是薄字之省薄亳古字通用尙書序成王旣踐奄將遷其君於蒲姑釋文蒲馬本作薄疏云賈氏曰公羊曰薄社所見本薄字尙不省

色然

六年傳皆色然而駭何注色然驚駭貌釋文色本又作坵居委反又或作危頤煊案一切經音義卷九引公羊作歡然而駭埤蒼歡恐懼也通俗文小怖曰歡說文歡悲意色歡同聲假借字本作坵危者又因色字而譌

受經子夏

穀梁傳序疏穀梁子名俶字元始魯人一名赤受經於子夏爲

經作傳故曰穀梁傳傳孫卿頤煊案隱五年傳引尸子曰尸倭爲商鞅之師鞅既誅倭逃於蜀穀梁當在其後其云受經於子夏非親受業於子夏之門故得以傳孫卿

挈

隱四年傳祝吁之挈失嫌也范甯注不書氏族提挈其名而道之也疏徐邈以挈爲舉卽是提挈之稱頤煊案方言挈特也謂特書其名餘凡言挈者其義同也

始厲樂矣

五年傳初獻六羽始厲樂矣惠氏棟穀梁古義釋詁云厲作也郭氏引此傳以證之頤煊案厲通作萬字說文螭从虫萬聲字

林作螭螭从米萬聲聲類作螭厲萬古字通萬舞也始萬樂卽

皇清經解

卷三十三

經義叢鈔

四

初獻六羽故左氏傳云將萬焉公問羽數於衆仲萬獻亦同聲字

所倭也

九年傳倭卒倭者所倭也范注倭名也所其氏疏徐邈引尹更始云所者倭之氏今范亦云所其氏則所者是倭之氏族但未備爵命故畧名耳麋信以謂所非氏所謂斥也頤煊案所猶許也詩伐木許許說文引說作伐木所所此倭卒與八年無佻卒爲一例上傳云無佻之名未有聞焉或曰隱不爵大夫也或說曰故貶之也此不稱貶明許之也

冀州

桓五年傳鄭同姓之國也在平冀州范注鄭姬姓之國冀州則

近京師頤煊案周書嘗麥解相在大國有殷之口是威厥邑無類于冀州淮南墜形訓正中冀州日中土高誘注冀大也四方之主故日中土又云少室太室在冀州注少室太室在陽城嵩高山之別名陽城與鄭相近

天子丹

莊二十三年傳禮天子諸侯黜堊大夫倉士黜頤煊案太平御覽卷一百八十七引穀梁傳作天子丹諸侯黜堊傳意言魯僭用天子之禮故下云丹楹非禮也若天子諸侯同黜堊傳何用述此禮御覽所引本是

脣亡

僖二年傳語曰脣亡則齒寒頤煊案左氏公羊俱同戰國策趙

皇清經解

卷三三竟三

經義叢鈔

聖

策云脣揭而齒寒高誘注揭猶反也呂氏春秋權勳篇淮南說林訓皆作脣竭而齒寒高誘注竭亡也

勤雨也

二年冬十月不雨不雨者勤雨也三年春王正月不雨不雨者勤雨也頤煊案勤古文作厯說文厯劣少也勤雨者少雨也少雨不爲災故不言旱至夏四月不雨則旱矣故下文閔雨喜雨俱言有志乎民而勤雨不言

沙鹿

十四年秋八月辛卯沙鹿崩林屬於山爲鹿疏公羊以沙鹿爲河上之邑杜預注左氏以爲山名此傳以鹿爲山足是三傳說異也頤煊案鹿本作麓說文麓守山林吏也一日林屬於山爲

何晏論語序齊論有問王知道多於魯論二篇古論亦無此二篇頤煊案王應麟困學紀聞謂問王是問王之譌說文引論語自敘稱古文玉部璫字注引逸論語曰玉粲之璫今其璫猛也璫字注引逸論語曰如玉之璫以其不在古論篇中故稱爲逸是亦古論無此二篇之證

兩子張

序又云古論分堯曰下章子張問以爲一篇有兩子張凡二十一篇頤煊案漢書藝文志論語古二十一一篇有兩子張如淳曰分堯曰篇後子張問何如可以從政已下爲篇名曰從政其篇名不與班志同者當是俗間改本堯曰二章不知命章釋文魯語無此章據何晏序古論亦當無此章

皇清經解卷五十三

經義叢鈔

聖

有朋自遠方來

學而有朋自遠方來釋文有或作友非阮尙書校勘記白虎通辟雍篇引朋友自遠方來又鄭氏康成注此云同門曰朋同志曰友是舊本皆作友字頤煊案文選陸機挽歌友朋自遠方來善注引論語爲證有亦當作友

其諸

其諸異乎人之求之與頤煊案公羊桓六年傳其諸以病桓與閔元年傳其諸吾仲孫與僖二十四年傳其諸此之謂與宣五年傳其諸爲其雙雙而俱至者與十五年傳其諸則宜於此焉變矣其諸是齊魯間語

未若貧而樂

未若貧而樂頤煊案皇侃本山井鼎考文史記仲尼弟子列傳
文選幽憤詩李善注引樂下皆有道字集解鄭曰樂謂志於道
魯論樂下無道字孔曰能貧而樂道又曰往告之以貧而樂道
古論樂下有道字

三十而立

爲政三十而立頤煊案漢書藝文志古之學者耕且養三年而
通一藝存其大體玩經文而已是故用日少而畜德多三十而
五經立也三國志孫陵傳孔子言三十而立非但謂五經也皇
侃論語義疏古人三年明一經從十五至三十是又十五年故
通五經之業所以成立皆漢魏論語家說

繪事後素

皇清經解

卷三頁三

經義叢鈔

巽

八份繪事後素釋文繪本又作績頤煊案古論作繪說文繪會
五采繡也論語曰繪事後素从糸會聲魯論作績集解鄭曰繪
畫文也凡畫繪先布衆色然後以素分布其間以成其文字當
作績考工記凡畫績之事後素功鄭注素白采也後布之爲其
易漬汙也不言繡繡以絲也鄭司農說以論語曰績事後素卽
其證

示諸斯

其如示諸斯乎指其掌集解包曰孔子謂或人言知禘禮之說
者於天下之事如指示掌中之物言其易了頤煊案禮記中庸
治國其如示諸掌乎鄭注示讀如真諸河干之寘寘置也物而
在掌中易爲知力者也包注指示二字連文義不可通當從鄭

注爲證

鄆人之子

或曰孰謂鄆人之子知禮乎邢昺疏古謂大夫守邑者以邑冠之呼爲某人孔子父鄆邑大夫左傳稱鄆人紇故此謂孔子爲鄆人之子也左傳成二年云新築人仲叔于奚杜注云于奚守新築大夫卽此類也顧焯案左氏文十五年傳卞人以告杜預注卞人魯卞邑大夫昭九年傳周甘人與晉閻嘉爭閻田杜預注甘人甘大夫襄也二十一年傳厨人濮曰杜預注濮宋厨邑大夫皆是

擇不處仁

里仁擇不處仁困學紀聞載張衡思玄賦注引論語宅不處仁

皇清經解

卷五百五

經義叢鈔

宅

謂古文本作宅頤焯案集解鄭曰求居而不處仁者之里則不得爲有知擇不訓求鄭當從古文作宅

參乎

子曰參乎釋文參所金反九經字樣彙纂上說文下隸省與參字不同參音驂從叒今經典相承通用參頤焯案說文森字注从林从木讀若曾參之參則讀作驂音者非

申枏

公冶長或對曰申枏邢疏鄭云蓋弟子申續史記云申棠字周家語云申續字周頤焯案棠枏聲相近爾雅釋詁廣續也說文續古文作廣故申棠又譌作申續皆是一人

足恭

巧言令色足恭集解孔曰足恭便僻貌邢疏便僻其足以爲恭謂前却俯仰以足爲恭也一曰足將樹切成也謂巧言令色以成其恭頤煇案大戴禮曾子立事篇足恭而口聖足與口對言之當以前說爲正漢書趙敬肅王傳彭祖爲人巧佞卑諂足共師古曰共讀曰恭足恭謂便辟也亦從前說

申申天天

述而子之燕居申申如也天天如也集解馬曰申申天天和舒之貌頤煇案申古字作伸字儀禮士相見禮君子欠伸鄭注志倦則欠體倦則伸說文天屈也言燕居之時其容體可以屈伸如意

吾不復夢見周公

皇清經解

卷三 覓三

經義叢鈔

哭

久矣吾不復夢見周公釋文本或無復字非臧氏琳經義雜記據陸氏所見本知經無復字乃後人援注所增以經云久矣吾不夢見先時曾夢見故注云不復夢見復字正釋久矣字陸氏反以無復字爲非不審之至頤煇案文選劉琨重贈盧諶詩吾衰久矣夫何其不夢周劉所見本亦當無復字

舉一隅

舉一隅皇侃本孟蜀石經文選西京賦李善注引隅下俱有面示之三字頤煇案集解鄭曰說則舉一隅以語之鄭本亦當有而示之三字

蒞

泰伯慎而無禮則蒞頤煇案說文無蒞字方言慎憂也又云慎

思也凡思之貌亦曰慎意卽思字文選魏都賦誰勁捷而無猊
李善注論語曰慎而無禮則慈猊與慈同

空空如也

子罕有鄙夫問於我空空如也皇侃疏空空無識也釋文鄭或
作恹恹頤爐案上篇恹恹而不信包注恹恹恹也呂氏春秋下
賢篇空空乎其不爲巧故也高誘注空空恹也大戴禮王言篇
工璞商慙女慙婦空空空亦恹也皆與恹恹字通用

恹恹如也

鄉黨恹恹如也頤爐案史記孔子世家其於鄉黨恹恹似不能
言者索隱有本作遂遂隸釋祝睦後碑鄉黨遂遂朝廷便便與
索隱所見本同劉脩碑其於鄉黨遂遂如也史記李將軍列傳
皇清經解卷三頁九三

經義叢鈔

兗

李將軍悛悛如鄙人漢書作恹恹並字異而義同

居不容

居不容唐石經容作客釋文容本或作容頤爐案集解孔曰爲
室家之敬難久大戴禮衛將軍文子篇在貧如客說文憲敬也
皆謂客爲敬則作居不容本是

若由也不得其死然

先進若由也不得其死然皇侃本若上有曰字頤爐案漢書敘
傳小顏注引論語作子樂曰若由也不得其死然與皇侃本同
此句本別爲一章曰上當脫子字文選幽通賦崔子玉座右銘
李善注引皆作子曰若由也不得其死然或謂樂卽曰字之譌
非也

屢空

回也其庶乎屢空頤煊案史記伯夷列傳回也屢空糟糠不厭後漢書賈逵傳此子無人事於外屢空則從孤竹之子於首陽矣焦贛易林衡門屢空使士使意皆作空乏之空漢書鮑宣傳唐尊衣敝屨空北堂書鈔卷三十八會稽典錄徐弘爲右扶風都尉衣弊屨空空穿也屢屨古字通用

使子羔爲費宰

子路使子羔爲費宰頤煊案史記仲尼弟子列傳費下有卣字論衡藝增篇子路使子羔爲卣宰左氏定十二年傳仲由爲季氏宰將墮三都於是叔孫氏墮卣季氏墮費子路之使子羔當在此時或費或卣擇一使之故史記並書之

皇清經解

卷三百九十一

經義叢鈔

五

吾得而食諸

顏淵吾得而食諸山井鼎考文古本吾下有豈字頤煊案皇侃本史記孔子世家漢書武五子傳小顏注引皆吾下有喜字釋文出吾焉得而食諸云本亦作焉得而食諸釋文正文焉字當是豈字之譌

直躬

子路吾黨有直躬者釋文鄭本作弓云直人名弓頤煊案呂氏春秋當務篇異哉直躬之爲信也淮南汜論訓直躬其父攘羊而子證之高誘注直躬楚葉縣人也誘虛植門人植與鄭同師馬融故誘亦以直人名躬與鄭注同廣韻直又姓楚人直弓之後非是

溝瀆

憲問自經於溝瀆頤煊案史記齊太公世家遂殺子糾於笙瀆集解賈逵曰魯地句瀆也索隱按鄒誕生本作莘瀆莘笙聲相近論語作溝瀆左氏襄二十一年傳執公子買於句瀆之上句瀆卽溝瀆也

其言之不忤

其言之不忤頤煊案大戴禮曾子立事篇盧辯注引論語曰其言之不作作當通作恁字荀子儒效篇無所疑恁楊倞注恁與忤同

好行小慧

衛靈公好行小慧釋文魯讀慧爲惠今從古頤煊案文選陳孔皇清經解

卷五見上

經義叢鈔

五

璋檄吳將校部曲說誘甘言懷寶小惠李善注論語曰好行小惠從魯讀皇侃本慧作惠是假借字

愛便僻

季氏友便僻惠氏棟論語古義馬鄭皆讀僻爲譬謂巧爲譬論以求容媚徐彥曰今世間有一論語音便僻爲便僻者非鄭氏之意通人所不取矣頤煊案家語八官篇邇臣便僻者羣僕之倫也王肅注僻宜爲辟公冶長巧言令色足恭孔注足恭便僻貌當是古論作僻字

巧言章

陽貨子曰巧言令色鮮矣仁山井鼎考文古本足利本無此章頤煊案唐石經此章先無而後添注蔡邕石經陽貨篇末題云

凡廿六章今集解本此章在內共廿四章似蔡邕石經僅分子
日唯上知與下愚不移子謂伯魚曰女爲周南召南矣乎各自
爲一章故云廿六太平御覽卷二百八十八引論語陽貨曰巧
言令色鮮矣仁是漢魏舊本皆有此章後人刪之非也

滔滔者

微子滔滔者天下皆是也頤煊案滔滔當作惛惛魯論作惛惛
古論作悠悠文選幽通賦溺招路以從已今謂孔氏猶未可安
惛惛而不麗兮卒隕身乎世禍曹大家注惛惛亂貌漢書敘傳
小顏注引論語惛惛者天下皆是也釋文滔滔鄭本作悠悠史
記孔子世家亦作悠悠集解孔安國曰悠悠者周流之貌也孔
鄭皆從古文文選養生論夫悠悠者旣以未效不求李善注引
皇清經解

卷三覓三

經義叢鈔

垂

論語爲證字當作悠悠今本作滔滔者是後人改

植其杖而芸

植其杖而芸釋文芸音云多作耘字芸香草也頤煊案蔡邕石
經文選應休璉與從弟書李善注太平御覽卷七百十引論語
皆作耘耘說文作穎或作耜芸卽耜字之省

孝經分章

孝經正義諸家疏並無章名而援神契自天子至庶人五章唯
皇侃標其目而冠於章首頤煊案漢書匡衡傳大雅曰無念爾
祖聿修厥德孔子著之孝經首章抱朴子仁明篇唐堯以欽明
冠典仲尼以明義首篇此亦孝經有章名之證

仲尼居

開宗明義章仲尼閒居頤煊案釋文據鄭康成本作仲尼居說
文據古文孝經引作仲尼尼三國志張昭傳孫權問衛尉嚴陵
寧念小時所聞書不暇因誦孝經仲尼居南齊書文惠太子傳
引孝經仲尼居顏氏家訓書證篇仲尼居三字之中兩字非體
三蒼尼旁蓋正說文居下施几皆無閒字

孝無終始

庶人章故自天子至於庶人孝無終始而患不及者未之有也
正義鄭曰諸家皆以爲患及身今注以爲自患不及將有說乎
荅曰經傳之稱患者多矣皆是憂惡之辭惟蒼頡篇謂患爲禍
孔鄭章王之學引之以釋此經頤煊案禮記大學物有本末事
有終始祭義終始相巡以致天下之和孝無終始者非孝也故
皇清經解卷三章三

經義叢鈔

三

禍患及之此戒之之辭

孟子七篇

史記孟軻列傳退而與萬章之徒序詩書述仲尼之意作孟子
七篇頤煊案風俗通窮通篇退與萬章之徒序詩書仲尼之意
作書中外十一篇太史公所見孟子止七篇外四篇是後人所
益

受業子思

孟軻列傳受業子思之門人索隱王劭以人爲衍字頤煊案漢
書藝文志孟子名軻子思弟子風俗通窮通篇孟軻受業於子
思列女傳母儀篇孟子師事子思遂成天下之名淮南汜論訓
高誘注孟子受業於子思之門詩正義引譜云孟仲子者子思

弟子蓋與孟軻共事子思後學於孟軻皆不以孟子受業於子思之門人

孟子注

隋書經籍志孟子七卷鄭玄注顧煊案史記五帝本紀堯知子丹朱之不肖索隱鄭玄云肖似也不似言不如人也疑卽孟子注又燕世家王因收印而效之子之索隱鄭玄云效呈也以印呈與子之平原君列傳毛遂曰使遂蚤得處囊中乃穎脫而出索隱鄭玄云穎環也平原君竟與毛遂偕十九人相與目笑之而未發也索隱鄭玄云皆目視而輕笑之未能卽廢棄之也又趙世家王夢見處女鼓琴而歌一段集解兩引綦毋邃曰綦毋邃亦注孟子豈皆孟子逸篇文邪

皇清經解

卷三見三

經義叢鈔

五

塗有餓莩

梁惠王上塗有餓莩趙岐注餓死者曰莩詩曰莩有梅莩零落也顧煊案漢書食貨志引孟子作野有餓莩依說文字當作受爾雅釋詁徂落死也注以餓死爲零落其義一也

制梃

可使制梃以撻秦楚之堅甲利兵矣趙注制作也顧煊案制古通作折字論語顏淵片言可以折獄者鄭注魯讀折爲制折斷也斷梃言其易後漢書鄧禹傳帝敕曰赤眉東來吾折捶笞之亦其證

疾視

梁惠王下夫撫劒疾視曰彼惡敢當我哉趙注疾視惡視也撫

劔瞋目曰人安敢當我哉頤煊案下文則疾視其長上之死而不救疾視不爲瞋目疾視當是仄視之譌漢書賈誼傳令犬下仄目而視師古曰仄古側字

拯所也

民以爲將拯已於水火之中也趙注拯所也宋本所作濟毛本所作掾頤煊案所當是拊字之譌說文拊上舉也从手升聲易曰拊馬壯吉今周易作拯馬拊所字形相近

吾不憚焉

公孫丑上吾不憚焉趙注憚懼也音義丁本作遄頤煊案丁本作遄是也此言自省而不直雖褊寬博之人吾不敢輕往以敵之若自省而直雖千萬人吾往矣文義相對易損卦已事遄往皇清經解

卷三言字二

經義叢鈔

奎

則遄亦往也

壹

志壹則動氣氣壹則動志也趙注孟子言壹者志氣閉而爲壹也頤煊案說文壹作壺从吉从壺壺不得溲也是閉塞之義

汗

汗不至阿其所好趙注汗下也言三人雖小汗不平亦不至阿其所好以非其事阿私所愛而空譽之頤煊案汗通作于禮記王世子况于其身以善其君乎鄭注于讀爲迂迂猶廣也大也經典凡從于之字多訓爲大此言三子言雖大而非阿其所好下所陳是大之之辭

陋窮而不憚

阨窮而不憫趙注憫憊也頤煇案憫當作憫廣雅釋詁憫憊也說文悶憊也憫卽悶字之俗易乾卦遯世无悶不見是而无悶義正與此相同

宿於畫

公孫丑下孟子去齊宿於畫趙注畫齊西南近邑也頤煇案水經淄水注孟子去齊三宿而後出澧澧水出時水東去臨淄十八里所謂澧中也史記田單列傳燕之初入齊聞畫邑人王蠋賢集解劉熙曰齊西南近邑畫音獲是劉熙孟子注本作宿於畫趙注與劉注同字亦當作畫是傳寫之謬

悻悻然

悻悻然見於其面音義字或作慳慳然頤煇案說文無悻字說皇清經解卷三頁三經義叢鈔 癸
文慳恨也趙注論曰悻悻然小人哉卽論語硜硜然小人哉趙所見本或作慳慳然故引以爲證

蠅蚋姑嘬之

滕文公上蠅蚋姑嘬之趙注嘬相共食之也頤煇案左氏僖二十八年傳楚子伏已而監其腦杜預注監噍也監與姑古字通用禮記內則姑與之而姑使之鄭注姑猶且也方言監且也郭璞注監猶處也義亦相同

惘然

夷子惘然爲間日趙注惘然猶悵然也頤煇案文選東京賦惘然有間薛綜注惘然有頃論語微子夫子惘然曰皇侃疏惘然猶驚愕也

涪水

滕文公下書曰涪水警余涪水者洪水也頤煊案此與告子下兩稱涪水者洪水也皆釋書涪水爲大水涪讀如洪今尙書大禹謨作降水微子傳水性流下故曰降水其音義並失矣

微也

子思臣也微也趙注微少也正義其勢則微少也當赴君之難不可去也頤煊案微當訓職說文職記微也與此微字義正相同說文微職也左氏傳杜預注作微職也皆同聲假借字

施施從外來

施施從外來趙注施施猶扁扁喜悅之貌頤煊案上文施從艮人之所之趙注邪施而行詩北風其虛其邪爾雅釋訓作其虛皇清經解卷三頁六
經義叢鈔
至

其徐施施即徐徐也丘中有麻將其來施施毛傳施施難進之貌鄭箋施施舒行皆是徐義

謨蓋

謨蓋都君戚我績趙注謨謀蓋覆也頤煊案爾雅釋言蓋割裂也釋文蓋舍人本作害禮記緇衣鄭注割之言蓋也割字從害謨蓋猶言謀害也趙注失之

鬱陶

鬱陶思君爾忸怩趙注我鬱陶思君故來爾辭也忸怩而慙是其情也正義我氣閉積思意君故來頤煊案爾雅釋詁鬱陶喜也禮記檀弓人喜則斯陶鄭注陶鬱陶也樂緯稽耀嘉武王克殷之後民乃大安家給戶足酌酒鬱搖鬱搖即鬱陶皆喜之之

辭

接浙而行

萬章下接浙而行頤煊案說文澆浚乾漬米也从水竟聲子孟子曰夫子去齊澆浙而行荀子仲尼篇可炊而儻也儻卽澆字澆接因字形相近而謔

先薄

孔子先薄正祭器音義丁步故切本多作薄誤頤煊案隸釋夏承碑爲主薄督郵韓勅碑陰主薄魯薛陶武榮碑郡曹史主薄古簿字皆作薄

生之謂性

告子上生之謂性頤煊案禮記樂記則性命不同矣鄭注性之

皇清經解

卷三十三

經義叢鈔

庚

言生也論語公冶長夫子之言性與天道何晏注性者人所受以生者也皇侃疏性生也白虎通情性篇性者生也莊子庚桑楚性者生之質也荀子正名篇生之所以然者謂之性漢儒言性皆同此說

知生於憂患

告子下然後知生於憂患趙注故知能生於憂患音義云丁依注音智注同陸如字頤煊案荀子榮辱篇楊倞注引孟子曰智生於憂患與上文增益其所不能者後人依注義改之

益於背

盡心上睥然見於面益於背趙注益視其背而可知鈕氏樹玉說文新附攷益與見對是益義近映頤煊案詩北山或王事鞅

掌鄭箋鞅猶何也益於背猶言如負何於背也

拔一毛

楊子取爲我拔一毛而利天下不爲也顧焯案列子楊朱篇禽
子問楊朱曰去子體之一毛以濟一世汝爲之乎呂氏春秋不
二篇高誘注孟子曰陽子拔體一毛以利天下弗爲也明理篇
高誘注陣郟也音楊子愛骭一毛之骭拔下當有體字骭卽體
字之別淮南倣真訓雖以天下之大易骭之一體無所槩於志
也韓非子顯學篇不以天下大利易其脛一毛義亦當有體字

皇清經解卷一千二百九十二終

嘉應生員楊懋建校

皇清經解

卷一千二百九十二

經義叢鈔

五

皇清經解卷一千三百九十三

學海堂

經義叢鈔

錢塘嚴杰補編

讀書叢錄 臨海洪州倅頤煊注

爾雅舍人注

釋文序錄爾雅有犍為文學注三卷一云犍為郡文學卒史臣舍人漢武帝時待詔頤煊案文選羽獵賦李善注引作郭舍人西京雜記郭威字文偉茂陵人好讀書以謂爾雅周公所制而有張仲孝友張仲宣王時人非周公之制明矣疑卽此人

孫炎爾雅疏

宋史藝文志孫炎爾雅疏十卷邢昺爾雅疏序其爲注者則有犍爲文學劉歆樊光李巡孫炎雖各名家猶未詳備惟郭景純皇清經解卷三百三十三 經義叢鈔 一 最爲稱首其爲義疏者則俗間有孫炎高璉皆淺近俗儒不經師匠頤煊案此作疏之孫炎與作注之魏孫炎叔然別是一人陸佃埤雅屢引孫炎爾雅正義卽俗間所行義疏本

艘至也

釋詁艘至也釋文艘郭音屈孫古屈字頤煊案詩節南山正義引釋詁屈至也張參五經文字艘爾雅或作屈音戒至也郭璞注引方言宋曰屈可證郭本作屈

緜善也

緜善也郭注未詳頤煊案禮記曲禮上急繕其怒鄭注繕讀曰勁周禮夏官繕人鄭注繕之言勁也善也緜勁聲近說文緜止也从糸林聲讀若柳方言自關而西秦晉之間凡物之壯大者而愛偉之謂之夏周鄭之間謂之假柳齊語也義亦與善相近

漢謀也

漢謀也邵氏晉涵正義詩疏引舍人云漢心之謀也頤煊案詩巧言聖人莫之毛傳莫謀也釋文莫本又作漢

順陳也

順陳也郭注未詳頤煊案儀禮士冠禮洗有筐在西南順鄭注筐亦以盛勺觶陳於洗西特牲饋食禮及兩劍芼設于豆西南陳南陳卽南順也鄉飲酒禮筐在洗西南肆肆亦陳也

尸案也

尸案也郭注謂案地案官也郭注官地爲案頤煊案案與尸義不相近案當爲宰字之譌周禮序官乃立天官冢宰鄭注宰主也公羊隱元年傳宰者何官也

皇清經解

卷三十三

經義叢鈔

二

神重也

神重也郭注神所未詳頤煊案說文俾神也詩大明大任有身毛傳身重也鄭箋重謂懷孕也是以神爲重也

滕微虛也

滕微虛也郭注滕微未詳頤煊案說文滕水超涌也水超涌則其下空虛滕與騰通文選思立賦懲洪忍而爲清舊注懲騰也

懲卽微字

疾病也

疾病也釋文疾所支反或丁禮反本作疲字書云疲病也聲類猶以爲疾字頤煊案詩無將大車祇自疾兮毛傳疾病也白華俾我疾兮毛傳疾病也正義不引釋詁文爲證疑所見爾雅本

亦作疲

倫勞也

倫勞也郭注倫理事務以相約救亦為勞頤煊案說文倫思也王篇倫思也通作倫說文倫欲知之兒欲知是思勞也儀禮既夕記倫如朝服鄭注古文倫為輪易說卦為弓輪釋文輪本作倫倫輪古字通用輪轉則勞故倫亦為勞也

箠勤也

箠勤也郭注未詳頤煊案說文彗埽竹也重文作箠左氏昭十七年傳彗所以除舊更新也史記高祖本紀太公擁箠集解李奇曰如今卒持帚者也孟軻列傳昭王擁彗先驅索隱彗帚也言為之埽地埽除亦勤勞之事故箠為勤也

皇清經解

卷三

經義叢鈔

三

治故也

治故也郭注未詳頤煊案尚書盤庚序將治亳殷正義引束皙說孔子壁中尚書作將始宅殷荀子正論篇治古無肉刑而有象刑治古猶言始古也古即故也楊倞注治古古之治世也夫

食偽也

食偽也頤煊案偽為古字通用食字亦兼有二義左氏僖二十八年傳背惠食言成十六年傳瀆齊盟而食話言是以食為偽也哀元年傳後雖悔之不可食已是以食為偽也

行言也

行言也郭注今江東通謂語為行頤煊案左氏哀元年傳因吳

太宰以行成服虔注行成求成也管子山權數篇行者道民之利害也是皆行為言也

徽止也

徽止也郭注未詳頤焯案文選陸士衡挽歌詩悲風徽行軌李善注爾雅曰徽止也

廢止也

廢止也釋文唐石經廢作底邵氏正義從宋本亦作底頤焯案郭注戾底義見詩傳釋上文底字國語曰戾久將底釋此底字傳寫者誤底作底後人不知底底義別而以底底爲重出因改一作廢字誤矣

衛嘉也

皇清經解

卷三十三

經義叢鈔

四

衛嘉也郭注未詳邵氏正義衛通作偉莊子大宗師云偉哉造物釋文引向秀云偉美也錢氏大昕答問衛通爲偉偉與嘉同訓美故偉亦有嘉義頤焯案一切經音義卷十蹶古文作甕說文甕衛也故衛與蹶同訓爲嘉

苦息也

苦息也邵氏正義苦訓爲息於經籍無考王氏引之經義述聞苦讀與靡監之監同周官鹽人共其苦鹽杜子春讀苦爲監王事靡盬者王事靡有止息也頤焯案叔息也釋文孫本作快方言苦快也宋鄭周洛韓魏之間曰苦自關而西曰快是苦快同爲息也

艾相也

艾相也郭注未詳邵氏正義方言裔歷相也裔艾聲之轉也頤
焯案小爾雅廣詁相治也左氏昭九年傳而楚所相也杜預注
相治也下文又治也古通作艾字艾與相同訓治是以艾又爲
相也

神治也

神治也郭注未詳頤焯案禮記月令毋發令而待以妨神農之
事也孟子滕文公上有爲神農之言者許行神農皆謂治農

允佞也

允佞也郭注允信者佞人似信頤焯案允當是兌字之譌兌古
通作說字以言悅人者卽是佞也荀子脩身篇饒樂之事則佞
允而不曲卽其證

皇清經解

卷五夏三

經義叢鈔

五

肇敏也

釋言肇敏也郭注書曰肇牽車牛頤焯案詩江漢肇敏戎功毛
傳肇謀敏疾鄭箋今謀女之事乃有敏德是以肇爲敏也肇又
通作窳下文窳肆也大戴禮夏小正狸子肇肆肆亦疾也與敏
同義

冥幼也

冥幼也郭注幼穉者冥昧頤焯案詩斯干噦噦其冥毛傳冥幼
也釋文幼本或作窳正義爾雅亦或作窳孫炎曰冥深闇之窳
與郭本異說文冥幽也文選思立賦歎逝賦李善注引說文冥
窳也老子窳兮冥兮莊子在宥篇至道之精窳窳冥冥素問從
容論吾問子窳冥皆義本於爾雅

寤寤也

寤寤也郭注相于寤頤煊案釋文孫本寤字作午郭注于當是午字之譌禮記哀公問午其眾以伐有道釋文引王肅本作迕荀子富國篇午其軍楊倞注午讀為迕

檢同也

檢同也頤煊案孟子梁惠王上狗彘食人食而不知檢漢書食貨志引孟子作而不知斂隸釋任伯嗣碑姦軌檢手檢即斂字考工記鳧氏侈弁之所由與弁謂鍾口狹狹即斂也故檢弁皆訓為同

廩靡也

廩靡也釋文孫炎云靡藏穀鮮絜也舍人云廩少鮮也頤煊案皇清經解卷五頁三

經義叢鈔

六

孫炎以鮮為絜舍人以鮮為少本皆作廩鮮也郭意同於孫炎舍人故注云或說云即倉廩所未詳引其義未改其字本亦當作鮮公羊文十三年傳羣公廩疏廩者希少之名詩采芣正義引鄭易注嫌讀如羣公謙之謙謙亦是希少之義皆與舍人注合

慎慎勉也

釋訓慎慎勉也頤煊案釋訓一篇專為釋詩而作其間有不在今詩者蓋三家傳本有異同也慎慎當為楚茨君婦莫莫之異文莫與勿字同義禮記禮器勿勿乎其欲其饗之也鄭注勿勿猶勉勉也故莫莫亦為勉也

地謂之勦

釋宮地謂之黝郭注黑飾地也頤煊案黝當作坳莊子逍遙遊篇覆杯水於坳堂之上釋文崔云堂道謂之坳司馬云塗地令平說文坳地不平也从土幼聲地不平謂塗之令平皆表本於爾雅黝坳同聲字

陝而修曲曰樓

陝而修曲曰樓郭注修長也頤煊案此非重屋之樓說文樓屋麗廈也淮南原道訓運枯形于連嘖列埒之門麗廈連嘖皆卽屋之修長者

斲呂謂之繇

釋器斲呂謂之繇釋文繇本或作斲頤煊案文選張景陽七命張修民李善注爾雅曰斲呂謂之繇繇或作斲說文斲鈞也義皇清經解卷五夏三經義叢鈔

七

與爾雅合說文無繇字

絢謂之救

絢謂之救郭注救絲以爲絢或曰亦冒名邵氏正義郭引或說以絢爲冒未詳頤煊案救通作緣說文緣急也郭注救絲卽急絲也救又通作揀詩大東有揀天畢毛傳揀畢貌畢所以掩兔故或說以絢爲冒也

衣皆謂之襟

衣皆謂之襟郭注交領頤煊案皆當是前字之譌前說文作𦑔與皆字形相近釋名釋衣服襟禁也交於前所以禁禦風寒也公羊哀十四年傳反袂拭面涕沾袍何注袍衣前襟也疏袍亦有作衿字者衿與襟同皆是衣前之證

婦人之禕

婦人之禕謂之縞縞綵也郭注卽今之香纓也禕邪交落帶繫于體因名爲禕綵繫也頤煊案後漢書張衡傳李賢注文選思立賦琴賦李善注引爾雅皆作婦人之徽謂之縞三糾繩曰徽字異而音義並同

康謂之蠱

康謂之蠱郭注米皮頤煊案說文稊穀皮也康卽稊字之省蠱與鹽通詩四牡毛傳鹽不堅固也左氏昭元年傳穀之飛亦爲蠱皆義本爾雅杜預注穀久積則變飛蟲名曰蠱論衡商蟲篇穀蟲曰蠱望文生義失雅訓矣

滅謂之點

皇清經解

卷三頁三

經義叢鈔

八

滅謂之點郭注以筆滅字爲點頤煊案禮記曲禮上毋不敬釋文母字與父母字不同俗本多亂讀者皆朱點母字以作無音史記梁孝王世家李太后亦私與食官長及郎中尹霸等士通亂正義張先生舊本有士字先生疑是衍文又不敢除故以朱大點其字中心

璧大六寸謂之宣

璧大六寸謂之宣郭注漢書所云瑄玉是也頤煊案說文無瑄字玉部珣字注醫無閭之珣玕琪周書所謂夷玉也从玉旬聲一曰玉器讀若宣夕部旬古文旬汗簡引石經旬作宣字形本相近爾雅宣璧說文珣玉漢書郊祀志瑄玉詛楚文宣璧皆是

一字

緹綬也

緹綬也郭注卽佩玉之組所以連繫瑞玉者四通謂之緹頤煊案緹本作緹說文緹綬維也後漢輿服志緹者古佩璫也佩綬相迎受故曰緹釋草薦綬郭注小草有雜色似綬薦緹同聲字當作緹爲是

革中絕謂之辨

革中絕謂之辨郭注中斷皮也革中辨謂之鞞郭注復分平也頤煊案辨當作辯說文辨憂也一曰急也謂皮中斷者謂之急皮中急者謂之鞞說文鞞鞞衣也鞞如鞞積則如今之言縐紋矣說文鞞字承鞞鞞裏也下此亦當指鞞裏而言玉篇引爾雅作革中絕謂之辨郭注分平當是分半之譌

皇清經解

卷五頁七

經義叢鈔

九

徒鼓鐘謂之脩

釋樂徒鼓鐘謂之脩郭注未見義所出頤煊案考工記曼氏鍾大而短則其聲疾而短聞鍾小而長則其聲舒而遠聞脩亦取遠聞爲義

四時

釋天四時頤煊案論衡是應篇爾雅釋四時章曰春爲發生夏爲長羸秋爲收成冬爲安寧四氣和爲景星今本爾雅冬爲上天已上爲四時章甘雨時降萬物以嘉謂之醴泉已上爲祥章論衡所引五句在祥章中

疾雷爲霆霓

疾雷爲霆霓郭注雷之急擊者謂霹靂頤煊案霓非疾雷霓當

是電字之譌說文霆雷餘聲也電陰陽激耀也皆疾雷時所有
邵氏正義據初學記改作疾雷謂之霆臧氏琳經義雜記據北
堂書鈔事類賦注謂當作疾雷爲霆余嘗見影宋本北堂書鈔
元刻初學記事類賦注引爾雅皆作疾雷爲霆覓足證近刻皆
俗人所改不足爲據

郊外謂之收

釋地郊外謂之牧釋文李本牧作田釋云田隙也謂陳列種穀
之處頤煊案田卽周禮四丘爲甸之甸周禮稍人鄭注甸讀與
維禹隙之之隙同今詩作維禹甸之甸祝鄭注甸之爲言田也
小宗伯鄭注甸讀爲田田卽甸字之省

畢堂牆

皇清經解

卷五 覓吉

經義叢鈔

十

釋丘畢堂牆郭注今終南山道名畢其邊若堂室之牆詩終南
正義引此注云其邊若堂之牆頤煊案邢疏其邊之厓如堂室
之牆言平正也釋山山如堂者密郭注形如堂室者堂下皆有
室字

重厓岸

重厓岸郭注兩厓累者爲岸頤煊案上文已釋望厓洒而高岸
此不必復釋岸岸當作岸說文岸岸上見也从厂从之省讀若
躍岸上見岸卽是重厓岸作岸字形相近并涉下文岸上澣字
相連而譌

小山別大山鮮

釋山小山別大山鮮釋文鮮息淺反李云大山少故曰鮮頤煊

案文選吳都賦長笛賦李善注俱引爾雅曰小山別大山曰嶰
嶰古買切呂氏春秋古樂篇伶倫取竹於嶰谿之谷嶰當作解
與鮮字形相近

霍山爲南嶽

霍山爲南嶽郭注在衡陽湘南縣南今在廬江濤縣西卽天柱
山濤水所出也頤煊案風俗通祀典篇衡山一名霍山左氏襄
三年傳楚子重伐吳克鳩茲至于衡山卽廬江濤縣之霍山杜
預注衡山在吳興烏程縣南失之餘詳見筠軒文鈔第四卷

汧出不流

釋水汧出不流郭注水泉潛出便自停成汚池頤煊案汧當是
汧字之譌左氏隱三年傳潢汧行潦之水服虔注水不流謂之
皇清經解卷三三三
經義叢鈔
十一
汧說文汚濁水不流也一切經音義卷八引三蒼停水曰汚字
皆通用

薜山薜

釋草薜山蘄釋文蘄古芹字頤煊案玉篇薜山芹也下文蘄苳
蘄無文選吳都賦李善注引爾雅作芹苳皆是

茵芝

茵芝頤煊案說文無茵字莊子逍遙遊朝菌不知晦朔釋文司
馬云菌大芝也文選思立賦咀石茵之流英李善注茵芝也茵
當是菌字之譌

其葉遺

其葉遺釋文字又作葭衆家並無此句頤煊案藝文類聚卷八

十二引爾雅作其葉葭與釋文所見本同初學記卷二十七引作其葉荷說文艸部茵茵蓮茄荷薔薄七字連屬荷字注芙蓉葉是說文所見爾雅本亦有此句字作荷與初學記本同

楓攝攝

釋木楓攝攝頤焮案文選南都賦李善注引爾雅楓攝說文楓一名彙文選上林賦張楫注楓攝也皆不重攝字

女桑棧桑

女桑棧桑郭注今俗呼桑樹小而條長者爲女桑樹頤焮案詩七月荷彼女桑毛傳女桑葦桑也夷古通作雉字棧桑卽稚桑也詩正義引集注及定本皆云女桑柔桑取周易枯楊生葦之義葦是葉之新生者與稚桑同義

皇清經解

卷三十三

經義叢鈔

三

蛄蠶

釋蟲蛄蠶強蟬郭注今米穀中蠹小黑蟲是也建平人呼爲蟬子頤焮案蛄當作蛄下文嚶蛄斯蛄斯卽蛄蠶因其色黑故又名爲嚶說文蛄斯墨也从虫占聲卽其證或改蛄蠶爲姑蠶非是

鱧鮠

釋魚鱧鮠釋文鱧音禮字又作蠡頤焮案說文鱧鮠鮠一曰鱧詩魚麗毛傳鱧鮠也說文以鱧釋鮠鮠釋鱧不應於鱧獨違雅訓疑毛傳說文所見爾雅鮠皆作鮠與郭氏本異

蚰蚘

蚰蚘郭注未詳邵氏正義闕頤焮案蚰是蚰字之譌當屬下鼈

義許慎謹案禮臣疾君親問天子有下聘之義從周禮說鄭無駁與許慎同也郊特牲諸侯不敢祖天子正義鄭氏無駁與許慎同五經異義鄭亦非逐條駁之

鄭注經音切

漢人注經止爲譬况魏孫炎創反切至宋晉以後音學始盛後魏書劉芳傳撰鄭玄所注周官儀禮音干寶所注周官音王肅所注尚書音何休所注公羊音韋昭所注國語音隋書經籍志釋文序錄載鄭注諸經俱有音切是後通鄭學者所釋非鄭自注

五經正義用舊疏

尚書舜典正義鞭刑大隋造律方使廢之呂刑正義大隋開皇

皇清經解

卷三百五

經義叢鈔

十四

之初始除男子官刑正義上於唐永徽四年不應稱大隋新唐書藝文志義寧元年置鉅鹿郡武德元年曰廉州貞觀元年州廢左氏昭十二年正義昔陽今屬廉州正義上時廉州已廢此皆承用舊疏之證

漢石經殘碑

後漢書蔡邕傳李賢注洛陽記曰太學在洛城南開陽門外有石經四部碑凡四十六枚西行尚書周易公羊傳十六碑存十二碑毀南行禮記十五碑悉崩壞論語三碑二碑毀頤煊案西行二十八碑南行十八碑共四十六枚洛陽伽藍記水經穀水注俱作碑四十八枚八卽六字之譌太平御覽卷五百八十九引西征記曰太學堂前石碑四十枚亦表裏隸書尚書周易公

羊傳禮記四部四十下當脫六字又不記論語皆傳寫者譌也
西征記又云又大學讚碑一所漢建武中立時草創未備永建
六年詔下三府繕治有魏文典論六碑今四存二敗北史齊本
紀天保元年八月詔往者文襄皇帝所運蔡邕石經五十二枚
移置國學當兼典論六碑而言

魏三字石經

魏三字石經止尙書春秋左氏傳兩種隋書經籍志三字石經
尙書九卷三字石經尙書五卷三字石經春秋三卷太平御覽
引西征記曰國子堂前有刻碑南北行三十五枚刻之表裏書
春秋尙書二部大篆隸科斗三種字碑長八尺今有十八枚存
餘皆崩洛陽伽藍記開陽門外有漢國子學堂堂前有三種字
皇清經解 卷三頁全 經義叢鈔 五
石經二十五碑表裏刻之寫春秋尙書二部作篆科斗隸三種
字猶有十八碑餘皆殘毀隸續載洛陽蘇望所刻魏三體石經
殘字亦止尙書左氏傳二種

石經拓本

唐六典書學博士以石經說文字林爲耑業石經三體書限三
年頤熹案唐人以三字石經爲蔡邕書故張參五經文字序例
云蔡伯喈以滅學之後經義分散乃請刊定五經備體刻石立
于太學之門外謂之石經其所指卽三字石經封氏聞見記論
石經云隋開皇六年自鄴載入長安隋亂造立之司用爲柱礎
其相承傳拓之本猶存秘府此雖指齊文襄所運之漢石經其
實魏三字石經至唐亦未必存凡唐用取士及五經文字郭忠

恕汗簡所載皆石經之拓本也

唐石經

封氏聞見記天寶中予在太學與博士諸生共論經籍失正爲欲建議請立大唐石經遷延未發而蕃寇海內文儒道消至今四十六年兵革未息嗚呼石經之事亦俟河之清也又李陽冰上李大夫書云願刻石作篆備書六經於明堂爲不刊之典號曰大唐石經使百代之後無所損益開成之立石經二君已不及見其論實自二君發之

緯稱祕書

禮記檀弓王義引鄭志張逸問禮注曰書說何時也荅曰尙書緯也當爲注時在文網中嫌引祕書故諸所牽引圖讖皆爲之

皇清經解

卷三百九

經義叢鈔

六

說文說文易字注引祕書說賧字注祕書曠从戊卽易緯之文

癒解也

方言卷十二癒解也頤煊案癒通作恕孟子萬章上夫公明高以孝子之心爲不若是恕趙岐注恕無愁之貌無愁卽解也

茶借也

茶借也郭注茶猶徒也頤煊案徒無借義茶通作賒字周禮泉府凡賒者鄭司農注賒貫也漢書高帝紀常從王媪武負貫酒師古曰貫賒也皆是借貸之名

翻解也

卷十三翻解也頤煊案左氏宣十七年傳庶有豸乎杜預注豸解也正義方言文今方言無豸字疑卽此翻字之譌

蟬毒也

蟬毒也戴氏疏證蟬卽慘聲之轉頤煊案蟬通作單字爾雅釋天太歲在卯曰單闕史記賈生列傳索隱引孫炎本作蟬闕詩天保俾爾單厚毛傳單厚也說文毒厚也故蟬亦爲毒也

雲夢之莖

說文艸部莖菜之美者雲夢之莖从艸豈聲段氏玉裁注廣韻莖菜似蕨生水中說者謂豐水有芑卽此頤煊案說文豈从豆散省聲爾雅釋草薇垂水郭璞注生於水邊太平御覽引廣志薇葉似萍可蒸食卽此菜與薇山菜別爲一種呂氏春秋本味篇作雲夢之芹皆同聲假借字

胖廣肉

皇清經解

卷三

經義叢鈔

七

半部胖半體肉也一曰廣肉段氏注胖之言般也般大也大學心廣體胖其引伸之義也頤煊案周禮腊人薦脯膾胖鄭注鄭司農云膾膾肉杜子春又云膾胖皆謂夾脊肉又云禮家以胖爲半體膾胖同物廣肉當是膾肉之譌

逡復也

辵部逡復也段氏注復往來也頤煊案爾雅釋言逡退也郭璞注外傳曰已復於事而逡今齊語作竣韋昭注竣退伏也文選東京賦已事而踐薛綜注踐退也說文退字作復與復字形相似因譌作復

取魚也

𩺰部魚取魚也頤煊案魚通作喚字左氏宣二年傳公喉夫鱉

焉釋文喉使犬也服本作取正義服虔云取嘬也取與謂意有所使呼之之辭單言之則與卽呼也

周書以爲討

支部敲棄也从畀聲周書以爲討詩云無我敲兮頤焮案周書無討字此五字當在無我敲兮下尙書無逸民無或胥譴張爲幻引之以證敲譴同義討當卽譴字之譌

敲擊馬也

敲擊馬也从支束聲頤焮案公羊定八年傳臨南駮馬而由乎孟氏何休注捶馬銜走釋文駮本又作檄字書無此字相承用之檄卽救字

六六

皇清經解

卷三三見三

經義叢鈔

六六

目部矚目旁薄綴六六也自部鬪六六不見也六六部六交覆深屋也頤焮案目旁薄綴在日之上故六六取交覆爲義矚卽俗所謂眼檐爾雅釋訓目上爲名郭璞注名眉目之間名卽六六聲之轉

古文脛

食部飪大孰也隄亦古文飪段氏注心部隄下云齋也此古文系後人增孱小徐說李舟切韻不云亦古文飪頤焮案儀禮聘禮記唯羹飪鄭注古文飪作脛禮記郊特牲腥肆爛脛祭鄭注脛孰也隄卽脛字之譌

木下白

木部柳角械也从木卻聲一曰木下白也段氏注未詳頤焮案

櫛通作隙字白部京際見之白也禮記曾子問當室之白鄭注當室之白謂西北隅得戶明者也莊子人間世虛室生白崔注白者日光所照也木下白謂木下日光故其字次在杲杳後

希字

禾部希疏也从禾希聲徐鍇曰說文無希字錢氏大昕荅問說文穠蒨晡皆取希聲明有希字周禮司服祭社稷五祀則希冕鄭氏讀希爲緜希卽古文緜也頤煇案豕部豕彘也讀與緜同古文布此卽希字

慘好兒

人部慘好兒段氏注未見其證方言曰慘慙也慙惡也此假慘爲慘也頤煇案慘通作慘字詩葛屨慘慘女手毛傳慘慘猶纖纖皇清經解卷三覓圭經義叢鈔九織說文作攢攢攢好手兒與此訓正同

古文以爲訓字

倂送也从人奔聲呂不韋曰有仇氏以伊尹佚女古文以爲訓字頤煇案訓與送義不相近訓當是引字之譌周禮春官瞽矇鄭注無目眈謂之瞽釋文眈本作眈眈同聲訓引又因字形相近而譌

髻簪結也

髻部髻簪結也从髻介聲頤煇案廣雅釋詁髻結也曹憲音義案說文卽籀文髻字也說文本有髻字其籀文作髻今本髻字在新附中者傳寫脫也儀禮士冠禮將冠者采衣紒鄭注紒結髮今文紒爲結紒卽髻字結卽髻字

柚朗也

心部柚朗也从心由聲詩曰憂心且柚段氏本改朗作脹注云未聞疑是恨也之譌頤煊案今詩鼓鍾作憂心且妯毛傳妯動也手部有捐字國語晉語故不可捐也韋昭注捐動也與毛傳合朗當是捐字之譌

波都也

水部波都也段氏注水都者水所聚也波之證未詳頤煊案爾雅釋水小洲曰階小階曰沚釋文階字又作渚詩江有渚毛傳渚小洲也水歧成渚歧卽波字異文都卽階字

婦人小物

女部娵婦人小物也从女此聲詩曰屢舞娵娵婦人小物也皇清經解卷三頁五

經義叢鈔

于

从女支聲頤煊案小物當是小弱之譌姑字注小弱也一曰女輕薄善走也一曰技藝也皆與娵娵義近古人妓取歌舞故以俏弱爲能方言鈔好也與此小字義同

梅目

媚夫妬婦也从女冒聲一曰梅目相視也段氏注梅當作怒周語道路以目杜詩用抉眼卽易之反目也目部眇涓目也梅目或眇目之譌又按梅當作侮謂目相侮也頤煊案禮記玉藻視容瞿瞿梅梅鄭注不審視也正義梅梅猶微微謂微昧也梅目相視謂微目相視大徐本脫梅目二字

綦有齒

糸部綦致繪也一曰微識信也有齒頤煊案綦通作綦字木部

榮傳信也周禮司關凡邦國之使節以英蕩輔之鄭注謂以函器盛此節有齒當是有函之譌漢書匈奴傳榮戟十師古曰榮戟有衣之戟也有衣亦謂有函也

鉞

金部鉞車鑾聲也从金戍聲詩曰鑾聲鉞鉞頤煊案今詩庭燎泔水並作鸞聲噦噦戍與歲聲不相近鉞當是鉞字之譌文苑英華卷二十九喬潭羣玉山賦和鑾鉞鉞字卽本此臣鉉等曰今俗作鉞非是

話治也

小爾雅廣話話治也頤煊案話當作話說文話訓故言也毛詩話訓傳釋文舊本多作故爾雅釋話治故也則故亦爲治故話

皇清經解

卷三三九三

經義叢鈔

三

亦訓治也

斬取也

廣言斬取也頤煊案取當作恥左氏莊十一年傳宋公斬之杜預注戲而相媿曰斬服虔注恥而惡之曰斬說文嬉好枝格人語也一曰斬也皆是恥義

枳害也

枳害也頤煊案枳通作枝字詩雄雉不枝不求毛傳枝害也論語子罕不枝不求集解馬注枝害也爾雅釋地中有枳首蛇焉釋文枳本或作楚孫云蛇有枝首者隸釋孫叔敖碑作枝首蛇枳枝古字通用

整願也

整願也一本整作整永樂大典本作勅顯也頤煊案國語晉語以愁御人韋昭注愁願也詩十月之交不愁遺一老釋文爾雅云願也卽此篇之文整整勅顯皆後人所改

摩娑

釋名釋姿容摩娑猶未殺也手上下之言也畢氏疏證周司尊彝鄭注獻讀爲摩莎之莎煮鬱和秬鬯以醖酒摩莎涉之出其香汁摩莎卽摩娑也頤煊案詩葛覃釋文引阮孝緒字畧云煩澗猶娑莎也說文娑推也一曰兩手相切摩也一切經音義卷十三引聲類摩抄猶捫摸也亦未殺也字異而音義並同

岑取也

廣雅釋詁岑取也王氏念孫疏證岑訓爲取未見所出頤煊案皇清經解卷五十三

經義叢鈔

三

岑當通作涪字爾雅釋器樛謂之涪郭璞注今之作樛者聚積柴木於水中魚得寒人其裏藏隱因以薄圍捕取之涪爲取魚之器是以岑爲取也

牾裂也

牾裂也頤煊案儀禮大射儀度尺而午鄭注一從一橫曰午特牲饋食禮記午割之鄭注午割從橫割之說文午牾也是以牾爲裂也

沛怒也

沛怒也頤煊案沛又通作沛字公羊宣十二年傳是以使君王沛焉何休注沛焉怒有餘之貌後漢書袁術傳是以豪傑發憤沛然並起沛亦怒也

桀去也

桀去也王氏疏證諸書無訓桀爲去者頤煊案詩碩人庶士有
榻釋文榻韓詩作桀說文榻去也廣雅以桀爲去蓋本於韓詩

御拭也

御拭也頤煊案說文御粹也不訓爲拭御當是概字之譌周禮
世婦帥女宮而濯概鄭注概拭也說文概滌也滌亦拭也

敢勇也

敢勇也頤煊案敢當作設設古投字左氏成二年傳桀石以投
人漢書甘延壽傳投石拔距絕於等倫皆是勇也

敢餘也

敢餘也頤煊案說文敢麻蒸也儀禮既夕二燭俟于殯門外鄭
皇清經解卷三十三

經義叢鈔

三

注燭用蒸蒸辭謬諫篇菑落雜於廢蒸兮敢可以爲燭禮記曲
禮上燭不見跋是敢爲燭餘也

子已似也

釋言子已似也頤煊案孟子萬章上丹朱之不肖舜之子亦不
肖說文肖骨肉相似也不似其先故曰不肖也是以子爲似也
詩斯于似續妣祖鄭箋似讀如已午之已已續妣祖者謂已成
其宗廟也是以已爲似也

管管浴也

釋訓管管浴也頤煊案易損君子以懲忿窒欲釋文孟作浴古
字浴欲通用詩板靡聖管管毛傳管管無所依繫鄭箋無聖人
之法度管管然以心自恣恣卽欲也

祧禮古文

玉篇示部祧他么切遠廟也禮古文頤煊案周禮守祧鄭注故書祧作濯鄭司農云濯讀爲祧祧濯同聲假借字此從示作禮是俗人所改非古文

玉字

玉部玉魚錄切禮記曰君子比德於玉焉云云玉古文玉欣救思六二切玉工也亦姓也頤煊案說文王象三王之連一其實也凡王之屬皆从王可證王字本無右旁一點自隸書恐玉石之王混於帝王之王因古文玉省去左旁一點是以說文有玉無玉玉篇既存正文王又兼俗字玉玉並收後人求其說而不得因謂玉石之玉點在三畫之側作玉欣救思六二切之玉皇清經解卷五見玉

經義叢鈔

玉

點在二畫之側作王謬更遠矣

媢媢

女部媢亡丁切說文曰嬰媢也一曰媢媢小人兒頤煊案此卽論語硜硜然小人哉之異文孟子公孫丑下作悻悻音義作硜硜皆同聲通用字

夔拜

夂部夔子對子卧二切拜失容也又詐也木作夔禮記云無夔拜頤煊案說文新附夔拜失容也从夂夔聲徐鉉所見禮記本亦作夔字不從艸陸德明釋文夔盧本作躡史記集解徐廣曰古躡字作踳說文彣行彣交也一曰倨也倨與踧同夔疑卽交字之譌餘詳見筠軒文鈔第七卷

闕或作覯

門部闕勅蔭切馬出門兒公羊傳曰開之則闕然何休云闕出頭兒或作覯頤焯案當作覯說文覯暫見也从見炎聲春秋公羊傳曰覯然公子陽生

映明也

日部映於敬切明也鈕氏樹玉說文新附攷孟子盡心篇君子所性仁義禮智根於心其生色也晬然見於面益於皆益與見對是益義近映疑古作益字頤焯案詩庭燎夜未央毛傳央曰也說文旦明也鄭箋夜未央猶言夜未渠央也未渠央卽未遠明六月白旒央央毛傳央央鮮明貌映字疑古作央後人加日旁耳

皇清經解

卷三

經義叢鈔

五

鳶鳶字異

鳥部鳶以專切鴟類也鳶同上頤焯案鳶卽鴟字說文無鳶字鳶字欠在駮字下匪駮匪鴟所稱或三家異文後人據毛詩卽以鳶字當之非也爾雅釋鳥鳶烏醜釋文鳶字亦作鼓漢書五行志有鼓焚其巢說文當有此字而傳寫脫之

蠱當作蠱

虫部蠱亡古切勉也又蠱甘館也今作蜜蠱同上頤焯案爾雅釋詁蠱沒勉也釋文蠱本或作蠱說文曰蠱古蜜字蠱正字蠱俗字今有蠱無蠱非是

范氏施御

文選東都賦由基發射范氏施御弦不隄禽響不詭遇頤焯案

李注引括地圖以釋范氏施御引孟子以釋轡不說過後漢書班固傳李賢注范氏趙之御八也引孟子爲證改範我作范氏宋本文選注因之非是

大厦眈眈

西京賦大厦眈眈薛綜注眈眈深邃之貌也頤煊案史記陳涉世家夥頤涉之爲王沈沈者集解應劭曰沈沈宮室深邃之貌也眈眈卽沈沈古同聲通用字

龍虺

東京賦日月會於龍虺薛綜音鬪錢氏大昕文集廣韻四覺部犯訓龍尾又與豚同乃悟虺爲犯之譌廣雅云豚腎也故龍尾亦有龍犯之稱頤煊案玉篇無犯字龍字注音卓龍尾今本作皇清經解卷三見三
經義叢鈔
三

龍車涉卓字而譌也古字龍虺通用虺字俗作龍龍又譌爲犯也薛綜音鬪玉篇音卓聲之轉耳

矍焉

魏都賦矍焉相顧劉淵林注矍懼也左傳曰駟氏矍懼善曰張以矍先隴反今本並爲矍頤煊案今本左氏傳作矍懼說文引春秋傳曰駟氏矍懼正與張注合李善本作矍字是後人所改

玉府

楮白馬賦祕寶盈於玉府李注周禮曰玉府掌王之金玉玩好尚書曰玉府則有頤煊案今尚書五子之歌作王府則有是譌字

檢檢

五經文字木部檢字注檢察之檢居儉反從手者檢手之檢音
斂頤焯案說文檢拱也拱斂手也字本從手隸釋任伯嗣碑茲
軌檢手漢書食貨志孟子亦非狗彘食人之食不知斂今孟子
作檢亦借木旁檢字爲之

換卽搗字

手部換案字書無此字見禮經頤焯案儀禮公食大夫禮取韭
菹以辯搗于醢上豆之間祭鄭注搗猶染也特牲饋食禮右取
菹換于醢祭于豆間鄭注換醢者染於醢也換卽搗字隸釋衛
尉衡方碑少以儒術司隸校尉魯峻碑學爲便宗而卩字形相
似故搗又作換

槁師

皇清經解

卷五頁三

經義叢鈔

七

牛部槁勞師也見春秋傳周禮借槁字爲之頤焯案地官牛人
軍事共其犒牛唐石經作槁牛賈疏云謂將帥在軍枯槁之賜
牛字本作槁左氏僖二十六年傳公使展喜槁師服虔注以師
枯槁故饋之飲食字亦作槁說文無槁字

廸字

又部延案字書從又者更有廸字以經典及注並無其文故不
出頤焯案說文玉篇又部無廸字說文延安步延廸也从又从
止玉篇延丑延切延廸安步也廸當是延字石刻譌

噴噴

貝部噴噴並助革反上際也下至也見春秋傳頤焯案噴噴古
字通用易繫辭聖人有以見天下之噴釋文京作噴正義噴謂

幽深難見小爾雅廣詁曠深也徧檢字書曠無際訓未知其審

胙字

肉部胙胙音跨上說文下經典相承隸省頤煊案說文冎部胙股也从冎夸聲無胙字欠部牛跨步也从反欠與胙字相近疑唐本說文冎部有胙為跨字正文而今本脫之

棲苴

艸部苴七余反又音查見詩大雅頤煊案詩召旻如彼棲苴一切經音義引詩作祖即查字與棲字通用毛傳苴水中浮草也字當作苴七余反鄭箋如樹上之棲苴唐人皆讀為棲字

廿字

艸部廿古患反見詩風字林不見又古猛反見周禮說文以為皇清經解卷三克五經義叢鈔

天

古卯字頤煊案詩甫田總角卯兮毛傳卯幼穉也周禮地官廿人鄭注廿之言礦也說文卯冒也古文作非三字不同據此皆作卅字卯石刻作卯譌

頤卽頤字

彡部頤音需面毛也今借為須待字或須從水訛頤火外反物頤爛之頤頤煊案玉篇頤火內切洒面也沫同上頤古文頤卽頤字之俗

絮字

衣部襦說文作絮京氏作絮見易頤煊案易既濟縞有衣襦釋文京作絮說文絮絮縵也一曰敝絮从糸奴聲易曰需有衣絮今云說文作絮石刻譌

帆吧

巾部帆敷劔反見春秋傳注字作吧音普霸反頤煊案左氏宣十二年傳杜預注拔旆投衡上使不帆風差輕釋文帆又作吧普霸反帆吧二字皆說文所無一切經音義卷一引三蒼颯船上張布吧也廣韻引通俗文帛三幅曰吧今通作帕疑古以帛字爲之

前承弱

广部廢居委反前承弱頤煊案儀禮鄉射禮記鄭注正中曰棟次曰楣前曰廢土昏禮賈疏楣前接簷爲廢說文弱橈也前承弱恐其簷之橈也此卽本於禮經注

痰疥

皇清經解

卷三見三

經義叢鈔

无

疒部痰從火熱病也作疥者字林居忍反頤煊案說文痰熱病也从疒从火臣鉉等曰今俗別作疥非是廣雅釋詁痰病也曹憲音義痰今疹字疹當與瘰字通用已見詩非痰字

涕洟

水部涕洟上音體下音替自目曰涕自鼻曰洟今人多以涕爲鼻洟誤矣見易及春秋頤煊案易萃齋咨涕洟釋文鄭云自目曰涕自鼻曰洟禮記內則不敢唾洟釋文涕本又作洟同吐細反由所見本異或涕或洟義得兩通經典無以涕爲鼻洟者

錡鐵

金部錡鐵二同並徒對反矛戟頤煊案禮記曲禮上進矛戟者前其鐵鄭注平底曰鐵說文鐵矛戟柲下銅錡也詩小戎允矛

鑿錚毛傳錚錚也錚鐵非卽矛戟下當有脫字

畢皐

幸部畢音釋今人或以此爲皐陶字謬誤尤甚頤煊案尙書皐陶列女傳作畢陶左氏哀二十六年傳越皐如春秋繁露作大夫畢荀子王霸篇畢牢天下而制之後漢書馬融傳李賢注畢牢猶牢籠也左氏襄十七年傳澤門之皙釋文本或作皐門詩鶴鳴於九皐毛傳皐澤也離騷步余馬於蘭皐兮王逸注澤曲曰皐皐皐古字通用

杙字

九經字樣手部扑音撲杙捶也頤煊案穀梁宣十八年傳稅殺也范甯注稅謂捶打殘賊而殺說文無打字錢氏大昕謂說文皇清經解卷三五頁三

經義叢鈔

三

杙杙也杙卽打字據此知唐本打字尙有從木作杙者

看從手下目

目部看睇也凡物見不審則手遮目看之故從手下目頤煊案說文看睇也从手下目徐鍇曰宋玉所謂揚袂障日而望所思也與此義相近

𡗗從三犬

大部𡗗音標從三犬𡗗字從此從火說頤煊案說文𡗗扶搖風也从風𡗗聲爾雅釋天扶搖謂之𡗗釋文字林作𡗗字皆從三犬唯玉篇云𡗗俛遙切暴風也字從二火非是

痠痺

疒部痠音攤馬病也今詩作痺頤煊焄案說文痠馬病也从疒多

聲詩曰疹疹駱馬古單多同聲漢書地理志沛郡鄆子孟康曰音
多周繼傳景帝子復封縹子應爲鄆侯蘇林曰音多卽其證

皇清經解卷一千二百九十三終

漢軍生員樊封校

皇清經解

卷五百三

經義叢鈔

三

